

Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ՏԷՐՈՉԸ ՀՐԱՇՔԸ  
ԿԵԱՆՔԻՍ ՄԷՉ

---

ԳՐԵՑ, ԱՒԵՏԱՐԱՆԻՉ  
ՎԵՐ. Ս. Ն. ՇԱՆԼԵԱՆ



1926

ՆԻԻ ԵՕՐՔ

ԵԿԵՔ ԻՆՏԻ

ԲՈՒՈՐ ՅՈԳՆԱԾ ՈՒ ԲԵՌՆԱԻՈՐՈՒԱԾՆԵՐ

ԵՒ ԵՍ ՁԵՁ ՊԻՏԻ ՀԱՆԳՁԵՑՆԵՄ

Մասք. 11, 28:

ԱՆ ՈՐ ԻՆՏԻ ԿՈՒԳԱՅ

**Բ Ն Ա Ի**

ԴՈՒՐՍ ՊԻՏԻ ՉՀԱՆԵՄ

ՅՈՎ. Զ. Գ. 37:

**ՅԻՍՈՒՍ ԲՐԻՍՏՈՍ**

ՆՈՅՆ Է

**ԵՐԷԿ ՈՒ ԱՅՍՈՐ ԵՒ ՅԱԻՏԵԱՆՍ**

Եքր. 13, 8:

ՏՊԱՐԱՆ — ՄԱՐԱՆԱԹԱ

ՀԱՂԷՊ

WATER - KITCHEN  
WATER - KITCHEN  
WATER - KITCHEN

WATER - KITCHEN  
WATER - KITCHEN  
WATER - KITCHEN

WATER - KITCHEN  
WATER - KITCHEN  
WATER - KITCHEN



11-2802-11

11-2802-11



ՀԵՂԻՆՍԱԿԸ

Յ Ա Ռ Ա Ջ Ա Բ Ա Ն

Կ Ա Մ

Ի Ն Չ Ո՞ Ի Ա Յ Ս Գ Ր Ք Ո Յ Կ Ը

Այս հրատարակութիւնով կ'ուզենք որ Տերօջր անունը փառաւորուի: Կը հաւատանք որ Տերը այս պարզ պատմութիւնները պիտի գործածէ իր փառքին համար:

- (1) Ապացուցանելով թէ, սկար եւ աննշան միջոցներով ալ կրնայ գործել: Ա. Կորն. 1. 25—29:
  - (2) Յուցադրելով թէ, իր զօրութիւնը, սերը եւ ներգործութիւնը նոյնն է երեկ, այսօր եւ յաւիտեան: Եբր. 13. 8:
  - (3) Փաստելով թէ, ան որ իրեն կուգայ եւ կը հաւատայ, բնաւ չը մերժուի, ինչ վիճակի մեջ ալ ըլլայ: Յովն. 6. 37:
  - (4) Տերը անկեղծաբար իրեն նուիրուողները միշտ պատաստէ գործածելու, եւ կը գործածէ ալ, իր փառքին համար, երբ անպայման իրեն յանձնուած ըլլանք: Յովն. 14. 12:
- Գործողը Տերն է. մենք միայն միջոցներ ենք: Տերօջն է փառքը, պատիւը յաւիտեանս, եւ կուզենք որ Տերը փառաւորուի այս սկար միջոցով:

Զգուշացած ենք լեզուաբանական նոյն բացատրութիւններէ, բանաստեղծական եւ գրագիտական աստուածաբաններէ, որ մի գուցէ նսեմացնենք իրական նշմարութիւնները:

Բոլոր պատմութիւնները իրական եւ պատմական պատահածներ են: Երբեմն պատմութիւնները շատ կրնան ըլլալ:

համառօս կերպով պատմած ենք: Որովհետեւ մենք չէինք ուզեր վերջին անցուղարձերուն հաւաքածոն պատրաստել. (Թեպէս այս կերպով ալ բաւական տեղեկութիւններ տուած էղանք). այլ, այդ պատմական էջերուն մէջ դիտելով Տերօշը գորութիւնը եւ Անոր լայնածաւալ սերը:

Այս գրոյնի հասոյքը պիտի գործածուի լոկ աւետարանչական գործին յառաջացման: Կ'աղօթենք եւ կը մաղթենք որ, Տերը գործածէ այս պարզ եւ կենարար պատմութիւնները շատ մը անապաշու հոգիներու փրկութեան, եւ շատ մը հաւատացեալ փրկուածներուն վերանորոգման, եւ Տերօշը գործին մէջ աւելի եռանդով, աշխոյժով եւ բոլորանուէր վկայութեան:

«Եւ Հոգւոյն Սրբոյ ձեր վրայ եկած ասեմը գորութիւն պիտի առնէք, ու ինծի համար Վ.ԿԱՆԻՐ ՊԻՏԻ ԸԼԼԱՔ, ԵՐԱՍԱՊԷՒՄԻ մէջ, եւ բոլոր Հրէասանի ու Սամարիայի մէջ, ու մինչեւ երկրի ծայրերը»: Գործք. 1.8:

Օգոստ. 1926

Նիւ Եօրք

Ս. Ն. ՇԱՆԼԵԱՆ

## Ձ Է Յ Թ Ո Ւ Ն

Ձէյթունն վերջի երեք քառորդ դարու մէջ պատմական քաղաք մը եղած է, պարծանք Հայութեան և զարմանք ընդհանրութեան, իր քաջութեամբ, հերոսութեամբ և ազգասիրութեամբ: Ձէյթուն՝ տասը հազար բնակչութեամբ բողոքովին Հայարնակ պատիկ գիւղաքաղաք մըն էր: Ժողովուրդը ընդհանրապէս, թէպէտ աղքատ, բայց քաջ, անվեհեր և ժրջան էր: Բնակավայրին լեռնային և անառիկ դիրքը՝ ժողովուրդին թէ նիւթական, և թէ բարոյական կեանքին վրայ մեծ ազդեցութիւն թողուցած է: Ձէյթունն նշանաւոր էր, իր պատերազմներուն և յաղթութեան մէջ: 39 անգամ պատերազմ և ընդհարում ունեցած էր Ձէյթնէզներու, Թիւրքմէններու հրոսախմբաց, և կազմակերպեալ զօրագնդաց հետ, և առանց բացառութեան ամէնուն մէջ յաղթող հանդիսացած էր: Կրօնական տեսակետով նաև օրինակելի դիրք մը ունեցած է Ձէյթունն: Այդչափ պատիկ քաղաքը մը մէջ վեց հատ եկեղեցի կար, և վեցն ալ լեփ լեցուն կ'ըլլային խուռն բազմութիւնով մը, ամէն առտու և իրիկուն: Թէպէտ յարանուանական հակառակութիւններ և բուռն վիճաբանութիւններ պակաս չէին, բայց պատերազմի ժամանակ, անոնք մէկ սիրտ և մէկ մարմին ըլլալով կը կռուէին, պաշտպանելով ազգը և հայրենիքը: 1915 ի համերոպական պատերազմը շատ մեծ ոճիրներ գործեց, բայց ինծի կուգայ թէ, ամենամեծ ոճիրներէն մէկն է, ոչնչացումը Ձէյթունի: Ձէյթունն ոչ ևս է . . . :

Ծ Ն Ո Ղ Ք Ս  
Ե Ի  
Ն Ա Խ Ն Ա Կ Ա Ն Կ Ր Թ Ո Ւ Թ Ի Ի Ն Ս

1885, Ապրիլ 20 ին ծնած եմ Զէյթունի մէջ: Հայրս՝ Նաչարէթ, պատմութեան հմուտ և ազգասէր մ'ըլլալով, Սանատրուկ կը կոչէ իր երկրորդ զաւակին՝ անունը: Նա սկիզբը, հակառակելով միսիոնարաց նոր վարդապետութեան, վերջը կ'ընդունի Աւետարանական եկեղեցին, ինչպէս հօրեղբայրս Աւետիս աղա Շանլեանը: Մայրս՝ Վարդեր, փոքրիկ հասակին մէջ, Մարաշ զրկուած, և իր կրթութիւնը առած էր Միս Գաֆիւնկի դպրոցին մէջ, և անկէ ընթացաւարտ ըլլալով վարժուհի եղած էր Զէյթունի մէջ: Վարդեր, տարի մը վերջ կ'ամուսնանայ Նաչարէթ Շանլեանի հետ: Այսպէս ես մեծցայ կրօնական տաքուկ միսիոնորտի մը մէջ: Մայրս կիրակնօրեայ դպրոցին մէջ ուսուցչուհի, և հայրս՝ եկեղեցոյ մէջ երկայն տարիներ հոգաբարձու, խորհրդական և սարկաւազի պաշտօնը կը վարէր: Հազիւ թէ տասն և մէկ տարեկան էի, աղէկ կը յիշեմ, որ մը ծնողքս զիս առաւ և մեր տանը մօտ քարակոյտի մը վրայ հանելով ծնկառօք աշօթեցին ձեռքերնին զլիսուս դրած, զիս նուիրելով Տէրոջը, ինչպէս Աննան նուիրեց Սամուէլը: Նոյն տարուան աշուն էր, հայրս զիս առաւ և Մարաշ տարաւ, և Ակադեմի ըստած միսիոնարաց դպրոցը դրաւ: Ես լաւ հասկցած էի որ ծնողքիս նպատակն էր տեսնել զիս հոգևոր պաշտօնեայ մը ապագային: Ես ալ կը փափաքէի: Զորս տարի Մարաշու մէջ կարդալով ընթացաւարտ եղայ դպրոցէն, և յաջորդ տարին Սլավոսթան վարժապետութիւն ըրի: 1902, Սեպտեմբերին Այնթապու կեդր. Թիւրքիոյ Գոլէճը գացի: Հոս էր որ Տէրը Սանատրուկը ձեռքը առաւ, փոխեց, և նոր մարդ մը ըրաւ: Փա՛ւր Անոր անունն:

«ՓՆՏՈՒԵՑԷՔ, ԵԻ ՊԻՏԻ ԳՏՆԷՔ»

Պղտիկ հասակիս մէջ Սուրբ Գիրքը կարդալ սկսած էի: Երբ ութը տարեկան էի, կրնայի սահուն կերպով կարդալ Աւետարանը: Վերջը սկսայ կանոնաւորապէս կարդալ Սուրբ Գիրքէն, ամէն առտու և իրիկուն երկու երկու գլուխ, և կիրակի օրերը ութը գլուխ կարդալով մէկ տարուան մէջ կը մնցնէի բոլոր Ս. Գիրքը: Այսպէս մինչև 15 տարեկան հասակիս մէջ Ս. Գիրքը կարդացած եղայ եօթը անգամ:

Ուշագրութիւնս գրաւած էր Յովհ. 3. 1—16 համարներուն մէջ մեր Տէրոջ Յիսուս Քրիստոսի խօսակցութիւնը Նիկոդեմոսի հետ, նոր ծնունդի մասին: Ես ալ կը կրկնէի Նիկոդեմոսի հետ, ըսելով, թէ ի՞նչպէս կարելի է նորէն ծնանիլ: Կ'ուզէի հասկնալ:

Գարձեալ Գործք Առաքելոց երկրորդ գլուխը ինծի համար հանելուկ մ'էր: Կը զարմանայի կարդալով, դարձեալ և դարձեալ, և բողբատելով անձնական կեանքիս, և հաւաքական եկեղեցոյ կեանքին հետ: Զէի կրնար հաշտեցնել, իմ տեսութիւնովս, թէ՛ ինչո՞ւ հիմա Սուրբ Հոգին այս բացատրուած կերպով և զօրութիւնով չը ներգործեր, և իրագործեր, մեր մէջ: Կ'ուզէի հասկնալ, կը փնտռէի, կը հարցնէի: Բայց գոհացուցիչ պատասխաններ չէի առներ:

Օր մը ծնողքիս հարցուցի, կարդալով վերոյիշեալ իրկու հատուածները, թէ՛ «Ի՞նչ է ասոնց իմաստը, և թէ՛ կարելի բա՞ն է, այդ իրողութեան կրկնումը.— այսինքն, մարդս հիմա ալ կրնա՞յ նորէն ծնանիլ, և ի՞նչպէս: Հի՛մա ալ Սուրբ Հոգին կուգա՞յ, և եկած է, ու է մարդու կամ ժողովուրդի վրայ, ինչպէս որ հոս կը կարգանք որ անոնք Սուրբ Հոգիով լեցուեցան: Կ'ուզեմ որ ես ալ այդպէս Հոգիէն ծնանիմ, և Հոգիով լեցուիմ: Հայրի՛կ, ի՞նչ ընելու եմ, ի՞նչ է ճամբան»: Հայրս ուրախացաւ իմ հետաքրքրութեանս վրայ, և ըսաւ.— «Տը՛ս, ես մասամբ զիտեմ այդ ճամբարտութիւնները իմ

կեանքիս մէջ, բայց չեմ կրնար բացատրել: Աւելի լաւ է որ վարժապետներուդ և պատուելիին հարցնես»:

Շատ համբերութիւն չունէի: Երբոր ամառուան վազանձը լմնցաւ, և դարձեալ Մարաչ գացի դպրոցը կարդալու, օրժը, վարժապետներուս մէկուն քովը գացի, և նոյն համարները բանալով կարդացի, և ըսի. «Վարժապետ, ես ալ, կ'ուզեմ նորէն ծնանիլ: Ես ալ, կ'ուզեմ Պէնտէկոստէ մը ունենալ, ի՞նչ է ճամբան»:

Անիկա ըսաւ, «Սանատրո՛ւկ, միտքդ ատանկ բաներով մի՛ յոգնեցներ, դուն արդէն բարի տղայ մըն ես: Չի՞ս գիտեր, բարքի մեջ ամենաբարձր նիշը առնողը դուն ես: Դուն ատանկ նոր ծնունդի և Հոգիի պէտք չունիս: Ատիկա անդգամ մեղաւոր մարդոց համար է»:

«Բայց, կարծեմ, վարժապետ, ես ալ կատարեալ չեմ»:

«Սանատրուկ», ըսաւ վարժապետս, «այդ բաները այլաբանական գրութիւններ են, մենք բառական չենք կրնար հասկնալ: Ատոնք խրատի համար գրուած են, ի՞նչեալ են, մենք չենք կրնար հասնիլ անոնց»:

Այս պատասխանները զիս չը գոհացուցին: Յետոյ ուրիշ վարժապետներէս մէկուն դիմելով միւսնոյն հարցումները ուղղեցի կարգալով այն համարները, նոր ծնունդի և Սուրբ Հոգիով լեցուելու մասին: Յիշեալը ըսաւ, «Ես կը խորհիմ թէ այդ կարգացածներդ իրականութիւններ են, և անցեալ դարերու մէջ պատահած դէպքեր կրնան ըլլալ: Բայց հիմա չեն ըլլար, և ակնկալելու չենք որ կրկնուին: Ինչպէս որ հին ժամանակները շատ մը հրաշքներ կ'ըլլային, բայց այսօր անոնք չեն ըլլար, վասնզի հրաշքի դարը անցած է: Սանատրուկ, ինչո՞ւ ատոնցմով կը մտահոգուիս: Եթէ Ս. Գիրքդ կարդաս, աղօթքդ ընես, արդէն Քրիստոնեայ ես: Աստուծոյ Հոգին քու մէջդ է: Նորէն ծնանիլու պէտք չունիս»:

Բայց Յովհ. 3.7 համարը ինծի աւելի զօրաւոր կը հնչէր. «Պէտք է ձեզի նորէն ծնանիլ»: Զէի համոզուած այդ պատասխաններով: Երբ .13.8 համարը, «Յիսուս Քրիստոս նոյնն է, երէկ ու այժմ և յաւիտեան», խօսքերը

աւելի պերճախօս էին ինձ համար: Վերջին փորձը մնացած էր. ան ալ, դիմում ընել շարունակած եկեղեցիիս հովիւին: Ըրի ալ: Շաբաթ օր մը, առտու, գացի Երէցին տունը: Երբոր պատուելին զիս տեսաւ սիրով ընդունեց: Եւ ըսաւ, «Սանատրուկ, ի՞նչպէս կրնամ օգնել քեզ»:

«Պատուելի, ըսի, մտքիս մէջ խնդիր մը կայ, որ զիս շատ անհանգիստ կ'ընէ: Վարժապետներէս երկուքին դիմում ըրի, անոնցմէ ամէն մէկը տեսակ մը մեկնութիւններ տուին, և ոչ մէկը կրցաւ միտքս և զգացումներս հանդարտեցնել: Հիմա այլայլած եմ: Քեզի եկայ որ շիտակ ճամբան ցուցնես: Եւ անոնց տիրանալուն կերպը մատնանշես»:

«Ի՞նչ է խնդիրը, դաւակա, ըսէ՛ տեսնեմ»: «Պատուելի, ես կ'ուզեմ նորէն ծնանիլ, և Սուրբ Հոգիով լեցուել, ինչպէս որ հին ժամանակները, երբոր Պէնտէկոստէի օրը եկաւ, բոլոր աշակերտները Սուրբ Հոգիով լեցուեցան: Գործք Առաքելոց երկրորդ գլխուն մէջ անանկ կը կարգանք: Եւ Յիսուս ալ նիկողեմսիին կ'ըսէ. «Պէտք է ձեզի նորէն ծնանիլ», Յովհաննու երրորդ գլխուն մէջ: Ահա աւետարանին սա երկու գլուխներուն մէջ եղած ճշմարտութիւններն են որ զիս անհանգիստ կ'ընեն: Որովհետեւ հոն պարզուած իրականութիւնները, այսինքն, նոր ծնունդը, և Պէնտէկոստէն, իմ կեանքիս մէջ չեն կրկնուած: Ոմանք կ'ըսեն թէ, այդ գրութիւնները այլաբանութիւն են: Ուրիշներ՝ ատոնց մօտաւ անցած է կ'ըսեն: Պատուելի դուն ի՞նչ կ'ըսես: Ես կ'ուզեմ փրկուել»:

Պատուելին ըսաւ. «Չաւակա, դուն շատ փոքր ես Աւետարանին այս խորունկ ճշմարտութիւնները հասկնալու: Քեզի պէս 14 տարեկան տղայ մը այս բաները չի կրնար ըմբռնել: Դուն պէտք է որ եկեղեցւոյ անդամ ըլլաս, և այն ատեն կամաց կամաց կրնաս հասկնալ այդ բաները: Մենք արդէն Աստուծոյ Հոգին ունինք, և Անոր եկեղեցիին անդամ ըլլալով, աւելի կը մեծնանք Քրիստոնէական կեանքին մէջ»:

Այս պատասխանը քիչ մը համոզիչ երեցաւ ինծի, և ուղեցի այդ կերպն ալ փորձել: Ժամանակ չի կորսնցնելով

գացի քննութիւն տալու, հովիւին մէկ որոշած ատենը: Երէցը՝ երբեմն հաւատքի մասին հարցումներ ուղղելէն յետոյ ըսաւ, «Ի՞նչ մեղքեր ունիս որ կը տանջեն քեզ»:

Ատիկա տարօրինակ հարցում մըն էր ինծի: Եթէ հարցումը մեղքի արտաքին երևոյթներու մասին էր, մինչեւ այդ հասակս երբէք չէի հայտնած, ոչ ալ ստամ: Ուրիշը չէի խաբեր: Միշտ հնազանդ և բարի էի: Երբէք ծեծ չէի կերած, ոչ ալ պատժուած, ոչ ծնողքէս և ոչ ալ վարժապետներէս անհնազանդութեան կամ անառակութեան համար: Արդէն Քրիստոնեայ ընտանիքի մը մէջ մեծցած միշտ Ս. Գիրք կը կարգայի, և կ'աղօթէի, կ'երգէի, և ուրիշներուն կ'օգնէի, և չէի հասկնար թէ ի՞նչ ըսել է մեղք գործել: Ուստի ըսի, «Պատուելի, իմ հարցումս մեղքի վրայ չէ, նոր ծնունդի վրայ է»:

«Սանտուակ,» ըսաւ երէցը, «անո՞ք որ երեւելի մեղք չեն գործեր, արդէն նոր ծնած են: Սուտ կը խօսի՞ս»:

«Ոչ»:  
«Գէշ խօսքեր կը խօսի՞ս», (կը հայտնե՞ս, ըսել կ'ուզէր):

«Ո՛չ»:  
«Ընկերներդ չե՞ս խաբեր»:  
«Ո՛չ»:  
«Վարժապետիդ և դպրոցին կանոններուն հնազանդ ես»:

«Առանց բացառութեան»:  
«Ապրիս տղաս, ուրեմն դուն արդէն Քրիստոնեայ ես. քննութիւնդ լմնցած է: Գալ կիրակի կէս օրէն վերջ հարողութեան արարողութիւնը պիտի կատարուի, և անկէ առաջ, եկեղեցւոյ նոր անդամներ պիտի ընդունուին հաւատոյ դաւանանքը կարդացուելով: Երբոր ըսեմ թէ, անոնք որ եկեղեցւոյ անդամ պիտի ընդունուին ոտքի թող ելլեն, դուն ալ անոնց հետ ոտքի կ'ելլես: Եւ վերջը հաղորդութեան կը մասնակցես: Շատ աղէկ, տղա՛ս, կրնաս երթալ»:

Այսպէս լաւ զգացումներով բաժնուեցայ: Բայց մըտքիս մէջ միշտ եւ ուզեաւ մը կաշ, կը հարցնէի ինքնիշխանս.

«Եթէ հաղորդութիւն աւնեմ, ապեօք Սուրբ Հոգին առած կ'ըլլամ: Ես, այլևս նոր ստեղծուած մը կ'ըլլամ: Բ կորն 5.17: Չէ՞ որ հացը Անոր իրական մարմինն է, և գինին Անոր իրական արիւնը: Արդեօք ատոնց մասնակցելով ես ալ իրական Սուրբ Հոգիով լեցուած կ'ըլլամ: Բայց չէ՞ որ շատերը կը մասնակցին և Սուրբ Հոգիով լեցուած չեն»: Կ'սպասէի անհամբեր կիրակի օրուան: Կ'ըսէի, «Այս կիրակին ինծի անմոռանալի օր մը պիտի ըլլայ, կամ՝ սպասածիս և ակնկալածիս պէս Ս. Հոգիով պիտի լեցուիմ, և կամ յուսահատ պիտի վերագառնամ»:

Վերջապէս եկաւ կիրակի օրը: Ամենէն առաջ եկեղեցի գացած և առջեւ նստած էի: Կ'սպասէի որ քարոզը շուտ լմնացած էր: Ոտքի վրայ ելայ ուրիշ մի քանիներու հետ: Հաւատոյ դաւանանքը կարդաց Պատուելին: Ապա մեր ուխտերը և խոստումները առաւ, թէ հաւատարիմ պիտի մնանք այս եկեղեցիին, ճանչնալով իբրև մեր հոգևոր ընտանեկան յարկը, և պիտի աշխատինք անոր դարգացման ցվերջ: Ժողովուրդը եռանդով ընդունեցին եկեղեցւոյ անդամները: Բայց ես կ'սպասէի հաղորդութեան սեղանին: Քիչ վերջ աղօթքով մատակարարուեցաւ հացը: Գողգոթուն ձեռքերով երկնցայ, ճաշակեցի, կարծելով թէ, Ս. Հոգին է որ կ'առնեմ: Սպասեցի, որ բան մը պիտի ըլլամ: Բան մըն ալ չեղաւ: Ո՛հ, խաբուած էի: Գինիին դաւաթը դժուարաւ կրնայի բռնել, ձեռքերս կը դողդողալին: Բերանս տարի մեծ ակնկալութիւնով մը Սնոր արեանը նմոյշը եղող գինին, կարծելով թէ իմ մէջս մեծ փոփոխութիւն մը յառաջ պիտի բերէ: Չիս պիտի փրկէ: Ինծի նոր ծնունդ պիտի տայ, և Սուրբ Հոգիով լեցուած պիտի ըլլամ: Բայց, ո՛հ, չարաչար խաբուած և սխալած էի: Ատիկայ առաջին և վերջին անգամ հաղորդութեան սեղանին մօտենալս եղաւ, մինչև որ նոր ծնունդս գիտցայ փորձառաբար:

Չորս տարի այդպէս անցաւ: Այնթապու կեդր. Թիւրքիոյ Գալէճն էի իբրև ուսանող: Առաջին անգամ հոս էր որ երբեմն աշակերտներու հանդիպեցայ որ կ'ըսէին, «Տէրը զի՛ս այս ինչ օրը, այս ինչ տարին փրկեց: Իմ մեղ-

քերս ներեց : Քեզ ալ կը փրկէ : Եկու՛ր , Յիսուսին յանձնուէ՛ » : Աս և ասոր նման վկայութիւնները ականջիս շատ անուշ կը հնչէին : Կ'ուզէի ես ալ փրկուիլ : Կ'աղօթէի , բայց չունէի այդ փորձառութիւնը :

1903 , Փետր . 8 Հինգշաբթի կէսօրէ վերջ , ժամը 5.30 ին , տղայ մը բռնեց թեւէս և ըսաւ « Կ'ուզեմ քու հետդ խօսակցիլ , ժամանակ ունի՞ս » :

« Ի՞նչ պիտի խօսակցիս » :  
Ըսաւ « Հոգեւոր կեանքի վրայով կ'ուզեմ խօսակցիլ » :

« Շատ աղէկ » ըսի , և այսպէս դպրոցին բակին մէկ անկիւնը քաշուեցանք : Տղան սկսաւ իր հոգեւոր փորձառութիւնը պատմել . — « Ես շատ մեղաւոր մարդ մըն էի : Ասկից վեց ամիս առաջ ծունկի վրայ եկայ : Տէրոջը աղօթեցի , բոլոր մեղքերս խոստովանեցայ , զըջացի , ներում խնդրեցի , և Տէրը ներեց իմ բոլոր մեղքերս : Անանկ որ ես հիմա կ'զգամ որ փրկուած եմ , իմ բոլոր մեղքերէս » :

Հարցուցի . « Ի՞նչէն գիտես որ փրկուած ես » :

Ըսաւ . « Կը հաւատամ թէ Տէրը փրկած է զիս : Որովհետեւ ինքը իր Խօսքերուն մէջ հաւատարիմ է : Մարդիկ երբոր մեզ հրաւիրեն , մինք կը հաւատանք անոնց և կերթանք , և կը տեսնենք որ անոնք կը յարգեն իրենց խօսքերը : Յիսուս՝ մարդոցմէ շատ աւելի կը յարգէ իր Խօսքը և իր Խոստումը : Նա ըսած է , « Եկէ՛ք ինձի , ո՛վ յոգնած ու բեռնաւորուածներ , և ես ձեզի հանգստութիւն պիտի տամ : Ձեզի պիտի ներեմ : Ձեզ պիտի փրկեմ , և ձեր մեղքերը անգամ մ'ալ պիտի չըլլին » : Ես կը հաւատամ , և հաւատացի որ Անիկա շիտակ կ'ըսէ և մեզ խարելու նպատակ մը չունի երբէք : Ես անձամբ փորձեցի , և տեսայ որ շիտակ է , և կը հաւատամ որ իր խոստումները ինձի համար ալ շիտակ են » :

Հարցուցի , « Ի՞նչ է մեղաց թողութեան և փրկութեանդ արդիւնքը » :

Ըսաւ . « Խաղաղութիւն և Տէրոջ հետ յարաբերութիւն » :  
« Ո՛հ սիրելի եղբայրս , իմ փնտռածս ալ այդ է . բայց կարելի չըլլար : Ես շատ փորձեցի : Շատ տեղեր փնտռեցի

և չի գտայ : Վարժապետներուս հարցուցի , պատուելիս հարցուցի , ամէն մէկը տարբեր տարբեր բաներ ըսին : Մէկը ըսաւ թէ , նոր ծնունդը այլաբանութիւն է , ուրիշ մը , այդ բաները հիմա չեն ըլլար , և ուրիշը թելադրեց որ եկեղեցւոյ անդամ ըլլամ : Եղայ , հաղորդութիւն ալ առի : Բայց ասոնցմէ ոչ մէկը կրցաւ զիս փրկել : Ալ աւելի մտահոգուեցայ : Առաջ սրտի խաղաղութիւն ունէի , հիմա ան ալ գնաց » :

« Եղբայրս , փրկութիւնը սխալ տեղեր փնտռած ես : Փրկուած մը ըլլալու համար վարժապետ կամ պատուելի ըլլալ հարկ չէ : Ինձի պէս անուս մարդ մըն ալ կրնայ փրկուած ըլլալ : Փրկութիւնը Տէրոջմէն է : Եթէ բոլոր սրտովդ այսօր , դուն ալ Տէրոջը յանձնուիս , Տէրը քեզ ալ կրնայ փրկել , և պիտի փրկէ : Կը հաւատաս՞ Տէրոջը Խօսքին » :

« Այո՛ , բայց կ'ուզեմ տեսնել և վերջը հաւատալ : Կ'ուզեմ նոր ծնանիլ , կ'ուզեմ Ս . Հոգիով լեցուիլ : Ես այնպէս կը խորհիմ որ , երբոր այդ վիճակը ինձ ալ պատահէ , ես ալ պիտի լեցուիմ անհուն հրճուանքով , զօրութիւնով և խաղաղութիւնով » :

« Շիտակ է , եղբայրս , բայց նախ հաւատարու ես , թէ Տէրը մեղքերդ ներած է : Քեզի՛ իր Սուրբ Հոգին տուած է , և դուն նոր ծնած ես » :

« Այդ բաները , քանի որ ես չեմ զգար թէ եղած են , ի՞նչպէս կրնամ հաւատալ թէ եղած են » :

« Այլ իրելիս , ես չեմ կրնար բացատրել թէ՛ ինչպէս կրնայ ըլլալ : Բայց իմ կեանքիս մէջ զիտեմ որ այդպէս է : Նախ հաւատք , ապա զգացում : Կ'ուզեմ քեզ համար աղօթել , որ Տէրը ինքը հասկցնէ այս գործնական հաւատքը : Կ'ուզեմ ծունկի վրայ գալ » :

Երկուքս ալ ծունկի վրայ եկանք : Եւ այս եղբայրը սկսաւ աղօթել , մինչ ան կ'աղօթէր , ես տարբեր աչխարհի մէջ կ'զգայի ինքզինքս : Անոր բառերը բոլորովին նոր էին , մինչև հիմա իմ գիտեցած և լսածէս : Նա կ'աղօթէր , « Իմ Յիսուսս , իմ Տէրս , իմ պատեհիլ Փրկիչս » ըսելով : Կարծես թէ Յիսուսը միայն իրն է : Նա հաւատա-

լով կ'աղօթէր, և գիտէր թէ որու կ'աղօթէր, կամ ինչ կը խնդրէր: Աղօթքը վերջացնելէ յետոյ ուզեց որ ես ալ աղօթեմ: Աղօթեցի, և սպասեցի: Բայց տակաւին իմ ակնկալած փոփոխութիւնս եղած չէր: Կ'ուզէի որ որոշ կերպով, Սուրբ Հոգին, իմ հոգիիս մէջ վկայէ թէ Տէրոջը զաւակն եմ, և թէ իմ մեղքերս ներուած են: Այլևս կ'ըզգայի որ մեղաւոր մ'եմ: Կը հասկնայի թէ առանց Յիսուսի ապրուած կեանքը ինքնին՝ մեղք է: Բայց կ'ուզէի նախ տեսնել և ապա հաւատալ: Եղբայրը ի զուր աշխատեցաւ համոզել: Ուստի «Իմ Տէրս, վստահ եմ որ քեզ պիտի համոզէ» ըսելով բաժնուեցաւ ինձմէ: Սրբէն իրիկուն եղած էր: Ժամը եօթն էր: Բայց ես կեցած տեղէս չարժեցայ: Յակորի պէս կը մարտնչէի: Կ'ուզէի նոր ծընունդ ունենալ, և կ'աղօթէի և կ'ըսէի— «Տէր, առջևէդ պիտի չելլեմ մինչև որ ինձի ալ նոր ծնունդ տաս: Տե՛ր, ինձի՛, ինձի՛ ալ տալու ես Քու Սուրբ Հոգիդ»:

Ժամանակ մը այսպէս աղօթելէ յետոյ, կարծես ներսէս մեղմ ձայն մը այսպէս կ'ըսէր. «Սանատրուկ, ի՞նչ կը փնտռես: Նոր ծնունդը հաւատով է: Ս. Հոգին հաւատով կը արուի: Գուն հաւատալու ես որ Տէրը սուտ չըլսուիր: Ան ինչ որ ըսեր է, այո՛ և ամէն են: Քանի որ Ոն ըսաւ լմնցաւ, այո՛, քու փրկութիւնդ ալ լմնցած է միայն իրաջին վրայ, միայն իրաջով, միայն Քրիստոսի արիւնով: Հաւատա՛ւ թէ փրկուած ես և ոչ թէ նոր պիտի փրկուես: Ընդունէ փրկութիւնդ, և փառք տուր որ Տէրը ներած է քու մեղքերդ»:

Հնազանդեցայ ներսէս եկող այս մեղմ ձայնին, և եւրայ որ ընկերներուս երթամ: Եւ ահա, զարմանալի վիճակ մը, զոր ոչ ոք կրնայ բացատրել խօսքով և գրչով: Կարծես մեծ բեռ մը ինկած էր ուսէս: Թեթեւութիւն մը և հանգստութիւն մը կ'զգայի: Այո՛, հաստատ գիտէի որ այլևս մեղքերս ներուած էին: Խաղաղութիւն և հանգստութիւն մը լեցուցած էր բոլոր էութիւնս զոր չունէի մինչև այդ վայրկեանին: Չիս վեր ցատկեցնող ուրախութիւն մը և հրճուանք մը համակած էր բոլոր հոգիս: Եւ Քրիստոսա գիտակցութիւնը ամէն գիտցած բաներէս աւելի որո-

շակի կերպով փոխած էր բոլոր միտքս և անոր ուղղութիւնը: Չէի կրնար պահել: Չէի կրնար կենալ, վկայելու էի, և վկայեցի ալ: Շուտով սերտողութեան սենեակը գացի, վարժապետէս հրաման առնելով սկսայ խօսիլ.— «Սիրելի ընկերներ փառք Տէրոջը որ, ես հիմա փրկուած եմ: Տե՛րը զիս իմ բոլոր մեղքերէս փրկած է: Ես հիմա շատ երջանիկ եմ: Իմ բոլոր մեղքերս Անոր խոստովանեցայ, և Ան ներեց իմ մեղքերս: Չեզ ալ կրնայ փրկել: Կ'ուզէ՞ք հիմա Անոր յանձնուիլ»:

Ամէն մարդ կը զարմանար: Ոմանք կ'ըսէին. «Խնթեցեր է»: Ուրիշներ կ'ըսէին. «Այս մեր գիտցած ամէկդտ Սանատրուկը չէ՞: Ուսկի՞ց է այս քաջութիւնը ասոր»: Մի քանի օր վերջ, շատցաւ փրկուածներուն թիւը: Օր ըստ օրէ կ'աւելնար նոր վկայողներու թիւը: Եւ վերջապէս եկաւ այն երանելի օրը:

*[Faint, illegible text, likely bleed-through from the reverse side of the page.]*

## ՀՈԳԵԻՈՐ ԱՐԹՆՈՒԹԻՒՆԸ

Շատեր որ առաջ ծաղր կ'ընէին հիմա ոտքի կ'ելլէին, իրենց մեղքերը և յանցանքները կը խոստովանէին, և արցունքով ներում կը խնդրէին իրարմէ: Շաբաթներ և ամիսներ տեւեց այս կրակին ազդեցութիւնը: Վարժապետներ, աշակերտներ, մեծեր ու պղտիկներ, ամէն մարդ այս խնդրով զբաղած էր: Կը փաստէին, կը ճառէին, կը հակառակէին, կը դիմադրէին: Վերջապէս՝ յաղթողը Աստուծոյ Հոգին էր: Ծնրադրողները, խոնարհողները, յանձնուողները և փրկուածները օրէ օր կը շատնային: Պերճաբարբառ քարոզներ, կամ համոզիչ տրամաբանութիւններ չկային: Պարզ վկայութիւններ, և փորձառութեան մէջ եղած իրականութեանց պատմութիւններ: Եւ ահա Աստուծոյ Հոգին կը գործէր, այս տկար միջոցներով ամբողջներ քակելու և ամենախիստ, և քարացած սրտերը համոզելու, և ապաշխարութեան առաջնորդելու: Կրակը չէր կրնար սահմանափակ մնալ այդ պղտիկ շրջանակին մէջ: Ան սփռուեցաւ Այնթապու Աւետարանական եկեղեցիներուն մէջ: Կարծես կիկլոն մըն էր տարածեր բոլոր Այնթապու, Մարաշի, Ուրֆայի, Զէյթունի, Քիլիսի, Քէսապի, Հաճընի, և մինչև Կեսարիոյ մէջ որ հարիւրաւոր և հազարաւոր հոգիները խաւարէն լոյսի, անբարոյականութեան աղտոտ տիղմերէն՝ սրբութեան խաւերուն, անհաւատութենէ և անտարբերութենէ՝ հաւատքի և յոյսի, և դժոխքէն յաւիտենական կենաց և փառաց փոխադրեց: Բոլոր կեանքերնուն մէջ աղօթք և երգեր չի գիացողները՝ երգիչներ եղան: Աստուծոյ Ոսօքը և Անոր Հոգին տուներէն և եկեղեցիներէն երբոր ներս մտաւ, Պատուելիները սպասաւորներ եղան: Վարժապետները և փրոֆէսորները՝ ուսանողներ, Տէրոջը Ոսօքէն, սարկաւազները և հոգաբարձուները՝ մանուկներ, և պարոնները և տիկիները՝ եղբայրներ ու քոյրեր:

Եկեղեցւոյ կեանքին մէջ փոփոխութիւններ եղան: Հիմա աղօթաժողովները աւելի սիրելի եղած էին: Եւ քարոզաժողովէն աւելի աղօթաժողովին բազմութիւն կը խոնուէր: Հոգեւոր տուրք գրուիլ կամ ժողովել, և տուները երթալ և խնդրել հարկ չէր: Մարդիկ տասանորդը, և իրենց բոլոր ունեցածը տալու պատրաստ և յօժար էին: Մարդիկ սորված էին իմաստը «Ձեր խօսած ամէն դատարկ խօսքին համար հաշիւ պիտի տաք» համարին: Այլևս չկար զրպարտութիւն, բամբասանք, և պարսաւանք: Ընդհակառակը՝ յարգանք, աղաչանք, աղօթք, խոնարհութիւն, միութիւն և սէր: Ամէն մարդ, ամէն օր, ժամանակ ունէր կարգալու իր սեպհական Սուրբ Գիրքէն և աղօթելու: Հոգեւոր այցելութիւնները անհրաժեշտ պարտականութիւն մը եղած էին: Երանի՜ թէ այս բաները այսօր ալ իրականութիւն ըլլար մեր եկեղեցիներուն մէջ: Հոգեւոր արթնութեան պտուղը միշտ այս եղած է, և յաւէտ նոյնը պիտի ըլլայ: «Տէրը փնտուեցէք, քանի որ Անիկա մօտ է»: «Վասնզի հրեշտակ մը ժամանակ ժամանակ աւազանը կ'իջնէր ու ջուրերը կը խառնէր»: Յովհ. 5. 4:

## ՀՈԳԵՒՈՐ ԱՐԹՆՈՒԹԻՒՆԸ ԿԱՐՄՈՒՃԻ ՄԵՋ

1904 Սեպ. ին Այնթապու Գօլէճին անօրէնութիւնը  
յարմար սեպեց Կարճուճ զրկել զիս իբր ուսուցիչ, Ուր-  
ֆայէն 3—4 մղոն հեռու, 4—500 տուն է բաղկացած  
հայաբնակ գիւղ մը: Առօրեայ դասերուս հետ միասին,  
ամէն իրիկուն աղօթաժողովներ կ'ունենայինք: Կիրակի-  
ներն ալ կը քարոզէի, քանի որ որոշ պաշտօնեայ մը չու-  
նէին: Սկիզբները հազիւ թէ 10—15 հոգի ունկնդիրներ  
կ'ունենայինք: Տակաւ առ տակաւ կրկնապատկուեցաւ և  
տասնապատկուեցաւ: Անանկ որ ամէն իրիկուն և Կիրակի  
օրերը երեք անգամ եկեղեցւոյ շէնքը մինչև դուրսի դռ-  
ները կը լեցուէր բազմութիւնով: Գիշ վերջը ուսուցչու-  
թեան գործը յանձնուեցաւ վարժուհիի մը, և ինծի մնաց  
միայն ամպիոնի գործը: Շաբթու մէջ բոլոր օրերը տու-  
ները կ'այցելէի Աստուծոյ գիրքէն կարդալով և աղօթք  
ընելով, և ամէն իրիկուն Տէրոջը օրհնութիւնները կը վա-  
յելէինք: Հետզհետէ Տէրոջը Հոգին այցելեց աղօթաժո-  
ղովները յաճախող ժողովուրդը: Անանկ որ շատեր կ'ելլէին  
իրենց մեղքերը կը խոստովանէին, և Տէրոջմէ ներում և  
չնորհք կը խնդրէին: Եւ օրէ օր Տէրը՝ փրկուածները Եկե-  
ղեցիին կ'աւելցնէր: Գործք. 2. 47: Ամէն ժողովի մէջ  
150—200 հոգիներ ներկայ կ'ըլլային, և մէկ ժամուան  
մէջ 50—60 աղօթքներուն մատուցուիլը բնական դար-  
ձած էր: Անշուշտ ժողովուրդին 100 ին 90ը Լուսաւորչա-  
կան եկեղեցիէն էին: Եւ մայր եկեղեցին օր ըստ օրէ լար-  
ուած դիրքի մը մէջ կը գտնուի եղեր մեզի հանդէպ, և  
եղած աղօթաժողովներու հանդէպ: Բայց ես բոլորովին  
անտեղեակ էի:

Շաբաթ օր մըն էր: Աղօթքի համար և Կիրակի օր-  
ուան պաշտամունքին պատրաստութեան համար, դուրսը՝  
բլուրի մը վրայ ելած էի: Մէկէն աչքս վերցնելով տե-

սայ երկու թիւրք ժանտարմաներ, որ կը հարցնէին ին-  
ծի, «Բողոքականաց քաշողիչը դո՞ւն ես»:

«Այո»:

«Շուտ ըրէ, եկուր, քեզ կ'ուզեն»:

Այլալեւով ինկայ առջևնին: Երբէք չէի գիտեր, ո՞վ  
էն, ինչո՞ւ եկած են, և ու՞ր կը տանին զիս: Հարցուցին.  
«Ո՞ւր կը բնակիս»:

Գացինք միասին իմ սենեակս: Իմ բոլոր գիրքերս և  
գրութիւններս ծրար մը շինեցին և ճամբայ հանեցին զիս:  
Բայց չէի գիտեր թէ ու՞ր կ'երթամ, կամ ինչո՞ւ կ'երթամ:  
Քովս ուրիշ մէկն ալ չկար որ հարցնէի: Գիշ վերջ տեսայ  
որ Ուրֆա եկած ենք: Կը կարծէի որ Միս Գ. Շաբթի  
տունը կը տանին: Անգամ մըն ալ տեսայ որ մութ տեղ  
մըն եմ, գետնայարկ, ծմակ, առանց պատուհանի, ա-  
ռանց աթուի, առանց անկողինի: Հասկցայ որ բանտն եմ:  
Բայց ինչո՞ւ, չէի գիտեր: Գիշեր եղաւ: Մինակ եմ: Կե-  
րակուր չկայ, մարդ չկայ: Կ'աղօթեմ, կուլամ: Առաջին  
բանտարկութիւնս էր: Ինծի անտանելի կը թուէր: Չորս  
պատի մէջ դոցուած մնալ: Բանտարկուելի: 19 տարեկան  
հասակին մէջը: Կ'աղօթեմ կուլամ, կուլամ և կ'աղօթեմ...:  
Առտու եղած էր: Մէկը եկաւ, կոշտ ու կոպիտ ձայնով մը  
ըսաւ, «Դուրս եկու՛ր»: Աճապարեցի, ելայ: Տեսայ որ եր-  
կաթեայ ձողապատին մէջն եմ: Բայց ծակերէն կրնալի  
դուրս նայիլ: Կիրակի կէսօրէն վերջն էր: Տեսայ որ վեր-  
Ա. Զ. Եղոյեան, Միս Գ. Շաբթի և իմ ժողովուրդէս  
շատեր եկած էին զիս տեսնելու և այցելելու: Երբ տեսայ  
զանոնք կարծես իմ վրաս հոգի եկաւ: Քաջալերուեցայ,  
և հարցուցի. — «Ինչո՞ւ հոս եմ, և մինչև ե՞րբ հոս պիտի  
մնամ: Զիս ասկից հանեցէք: Ի՞նչ յանցանք ունիմ»:

Մեր սարկաւազը ըսաւ. — «Կ'աշխատինք հանելու,  
բայց չենք գիտեր քանի օրէն կը յաջողինք: Սիրելի զա-  
ւակս երբէք մի նեղուիր, Տէրոջը ապաւինէ: Տէրոջը հա-  
մար բանտարկուած ես: Թէպէտ Կարմուճի հայութիւնը և  
վարդապետը քեզ իբր «Կուսակցականի պետ, խոսվարար  
Ձէյթիւնցի մը» ըսելով մատուցեցին, բայց թէ զենք կը  
բաշխես եղեր Հայութեան»:



դը Թիւրք կառավարութեան դէմ: Բայց մեր Տէր Յիսուսը ամէն բան կը տեսնէ, և այս բոլոր չարչարանքը իր Թագաւորութեան համար կը սեպէ: Քաջասիրտ եղբի՛ր, և Տէրը քեզ օգնական ըլլայ: Մենք ամէնքս քեզի համար կ'աղօթենք և պիտի աղօթենք»:

Կը կարդայի Մատթ. 5. 11—12 համարները, և կ'ուրախանայի որ Տէրը յարմար սեպած է որ ես անարժանս ալ իրեն համար չարչարանք և նախատինք կրեմ: Բայց՝ «Չեմ գիտեր քանի օրեմ պիտի ելլես» խօսքը զիս անհանգիստ կ'ընէր: Եւ կ'ըսէի ինքնիրենս. — «Դարձեալ այն մութ տե՞ղը պիտի երթամ, և չեմ գիտեր քանի օր: Տէ՛ր, Դու ռոգնէ ինձի, և փրկէ զիս այս խաւարէն»:

Մի քանի օր վերջը Ուրֆայի կուսակալը և կառավարական պաշտօնէից ժողովը կանչեցին զիս, որ մանրակրկիտ քննութիւն մը ընեն: Երբոր լմնցաւ հարցում և պատասխանները, խնդիրը դարձաւ կրօնականի շուրջ: Կուսակալը ինձի դառնալով, «Տղա՛ս, քանի որ դուն Աստուածաբանական դպրոց չես աւարտած, ի՞նչպէս կըրնաս քարոզել»: Արդէն հարցուփորձէն առաջ լուռ աղօթելս, և ձեռքիս աւետարանը՝ իրենց մէջ հետաքրքրութիւն մը արթնցուցած էր իմ Փրկչիս Յիսուսի վրայով: Շուտով բացի աւետարանս և ըսի. «Մատթ. 28. 18—19 համարներուն մէջ այսպէս գրուած է՝ Ամէն իշխանութիւն ինձի տրուած է (այսինքն Յիսուսին), երկինքի և երկրի մէջ: Ուրեմն գացէ՛ք, բոլոր ազգերը աշակերտեցէ՛ք, և մկրտեցէ՛ք զանոնք յԱնուն Հօր, և Որդւոյ, և Հոգւոյն Սրբոյ»:

Հարցուց կուսակալը դարձեալ — «Քանի որ կ'ըսէ բոլոր ազգերուն, մեզի՛ իսլամներո՞ւ ալ պիտի քարոզես»:

«Այո՛, տէր իմ, եթէ Թոյլադրէք և ընդունիք»:

Անմիջապէս բարկութեամբ — «Տեսա՞ք քեանքը, տեսա՞ք, ալ ի՞նչ վկայ կ'ուզենք. անոր անարգանքը Լսեցիք: Խօսքդ ետ ա՛ռ, շուտ ըրէ՛, անզգամ»:

«Տէր իմ, ես չեմ այդ խօսքը ըսողը, ես ձեզ աւետարանէն կարդացի: Եւ ամենուն ընդունած աւետարանը կ'ըսէ. Դացէ՛ք, բոլոր ազգերը աշակերտեցէ՛ք»:



«Ի՞նչ կը քարոզես»:

«Ես կ'ուզեմ աւետարանէն պատասխանել, և կ'ուզեմ որ կոչում ըրած համարներս գրուին: Գործք Առաքելոց 4րդ գլուխ 12րդ համարին մէջ այսպէս կը կարդանք՝ Ուրիշ մէկով փրկութիւն չկայ, վասնզի Անկէ զատ ուրիշ անուն մը չկայ երկինքի տակ, մարդոց մէջ տրուած, որով կարող ըլլանք փրկուիլ: Դարձեալ Յիսուս կ'ըսէ, Յովհաննու 14րդ գլուխ 6րդ համարին մէջ — Ես եմ ճամբան, ճշմարտութիւնը և կեանքը, մէկը Հօրը քով չի գար, եթէ ոչ ինձմով: Դարձեալ գրուած է Յովհաննու 3րդ գլուխ 36րդ համարին մէջ, Ան որ Որդւոյն կը հաւատայ, յաւիտենական կեանք ունի, և ան որ Որդւոյն չհնազանդիր, անիկա կեանք պիտի չը տեսնէ, հապա՛ Աստուծոյ բարկութիւնը անոր վրայ կը մնայ»:

«Տղա՛ս, ի՞նչ ըսել կ'ուզես»:

«Տէր իմ, ըսել կ'ուզեմ որ, այս համարները կը քարոզեմ, ինչպէս որ գրուած են, մէկ բառ իսկ չը փոխելով: Ինչու որ գրուած է Յայտնութեան Գիրքին, 22 գլուխ 18—19 համարներուն մէջ, որ մէկը չկրնար փոխել, աւելցնելով կամ պակսեցնելով Տէրոջը Խօսքէն»:

Դրեթէ լմնցած էր քննութիւնս: Եւ դարձեալ գտայ ինքզինքս նոյն ծուղակին մէջ, մութ և թաց բանտին մէջ, միայնակ: Ժամերը՝ ամիսներ, և օրերը՝ տարիներ կ'ըլլային: Թէպէտ բոլոր ժամանակս աւետարան կարդալով կ'անցնէի, բայց նորէն բանտարկութեան զգացումը զիս կը տառապէր: Զիս այցելող բարեկամներէս հասկցած էի որ, կառավարական բոլոր պաշտօնեաները համոզում զոյացուցած էին թէ, ես կուսակցական մը չեմ, ոչ ալ խռովարար մը. — Հայ ժողովուրդը ապստամբեցնող մը՝ Թիւրք կառավարութեան դէմ: Այլ լոկ նախանձէ դըրդուած՝ մատնած էին զիս բանտարկութեան: Թէպէտ նոյն իսկ կուսակալը համոզուած էր այս իրողութեան, բայց քննադատութեան մէջ, իմ աւետարանէն ըրած կոչումներս աւելի կատղեցուցած էին զինքը, և չէր գիտեր թէ ի՞նչ ընելու է: Օրէնքը՝ կը դատապարտէր զիս մահուան: Բայց խիղճով համոզուած էին որ անպարտեմ: Չէին գի-

տեր ի՞նչ պիտի ընէին զիս: Վերջապէս գրեցին մանրամասնօրէն Հալէպի կուսակալին: Հալէպի կուսակալը պատասխանած էր— «Ինծի զրկեցէք յիշեալը, ես ալ կ'ուզեմ տեսնել այդ երիտասարդը»:

Բարեկենդանի Կիրակին էր: Ինծի լուր տրուեցաւ որ հետեւեալ օրը Հալէպ երթալու եմ: Այդ առթիւ եկած էին Կարմուճի իմ բոլոր ժողովուրդս: Միս Գ. Շաթըզ և Վեր. Եղոյեան վերջին տեսութեան մը համար: Եւ տուի վերջին հրատեչոտ, քարոզելով համառօտ կերպով Ա.Պետ.5.7 ին վրայ, որ կ'ըսէ. «Ձեր ամէն հոգը Անոր ձգեցէք, վասնզի Անիկա ձեզի համար կը հոգայ»: Ամենուս ալ աչքին մէջ արցունք կար, խորհելով թէ ալ պիտի չը տեսնենք զիրար: Եւ կ'ըսէին «Մնացե՛ք բարի, վեր կը տեսակցինք դարձեալ»:

Մեծ պահքի Երկուշաբթին էր: Կարմուճի ժողովուրդէն մեր եկեղեցիին սարկաւազը Մելքոն եղբայր Գասպարեան եկած էր, արտօնութիւն կը խնդրէր պաշտօնեաներէն որ հետս երթայ: Չեմ կրնար մոռնալ Մելքոն եղբոր զոհողութիւնը, անձնուիրութիւնը, հոգատարութիւնը և սէրը: Այո, այն ճշմարիտ սէրը, որ կ'ստիպէր իմ հետս բանտը երթալ: Պաշտօնեաները, թէպէտ սկիզբը չը յօժարեցան, բայց վերջը թոյլադրեցին: Միբնիլ հայրիկս, Մելքոն եղբայրը, ինծի մեծ նեցուկ մը եղաւ՝ շատ անգամ հեծցընելով իր աւանակին վրայ և իր հայրական հոգատարութեամբ և խնամքով, կարեկցելով ինծի և պաշտպանելով զիս: Ուր որ օթեւան կ'ընէինք, կ'աղաչէր ոստիկանութեան որ թոյլադրեն, որ քովս ըլլայ մասնակցելով ոտնակապերուս: Եւ այնպէս ալ կ'ըլլար: Քովս կուգար, կը մխիթարէր, կը քաջալերէր և միասին կը պառկէր հետս, իր մէկ ոտքը իմ ոտքիս հետ միևնոյն կոճղի ամուրցուած ըլլալով: Բոլոր թիւրքերը զարմացած էին Մելքոն եղբորը ցուցադրած իրական և անկեղծ սիրոյն: Կը հարցնէին— «Հա՞յրդ է»: Երբոր կ'ըսէի «Ոչ, Տերովժով եղբայրս է»: Չէին հաւատար: Տասը օրէն հասած էինք Հալէպ կապուած բանտարկեալ մը: «Գափու ալթը» ըսուած տեղ մը բանտարկուած էի, երկու տասնեակ մը,

խմող, արբեցող, հայհոյող, զարնող, գետինը թաւալող մարդոց լիք ընկեր: Չէի կրնար համբերել, բայց ճարը չկար: Կ'ուզէի աղօթել, չէի կրնար: Աղօթե՛լ... ասանկ միջավայրի մէջ: Սոսկում մը կուգար վրաս: Հիւանդացած էի արդէն այս անտանելի վիճակէն: Բայց ստիպեալ տոկալու էի, քանզի բանտն էի: Հիմա աղէկ կը հասկընայի թէ բանտը ի՞նչ է: Երբեմն ալ միտքս կուգար, արդեօ՞ք ամէն տեղ և ամէն ատեն բանտերը ասանկ կ'ըլլային: Ո՛հ ի՞նչ անտանելի վիճակ՝... Անցած էր երկու շաբաթներ: Ոչ հարցուփորձ եղած էր, և ոչ ալ կանչուած էի: Օր մը առտու կանուխ, Մելքոն եղբայրը իր սովորութեանը համեմատ եկաւ իմ հետս տեսակցելու, քիչ մը մածոն, կտոր մը հաց բերելով: Այս անգամ աչքերուն մէջ տխրութիւն մը կը նշմարուէր: Հարցուցի. «Ի՞նչ կայ Մելքոն եղբայր, տխուր կ'երեւաս»: Գրպանէն երկու քառորդ մէճիտ հանելով ըսաւ.— «Առ սա դրամը և անօթի մի մնար: Կ'երեւի թէ խնդիրը պիտի երկարի: Այսօր 17 օր է կ'սպասեմ, յոյս մը չեմ տեսներ: Այս քաղաքը բաւական սուղ տեղ մըն է. անասունիս և ինծի շատ ծախս կըլլայ: Ալ ստիպուած եմ երթալու: Սիրելի զաւակս, երբէք մի՛ հոգար: Տէրը քու հետդ է: Մի՛ վախնար, ամէն տեղ, բոլոր եղբայրութիւնը քու անունդ յիշելով կ'աղօթեն քեզի համար: Աստուած աղօթքի կը լսէ և կը պատասխանէ: Յուսամ թէ մօտ ապագայիս դարձեալ կը վերադառնաս մեզի: Տէրը հետդ ըլլայ. մնաս բարի»: Այսպէս ըսելով փաթեթուեցաւ վիզս, համբուրեց ճակատս և բաժնուեցաւ: Արձանացած էի այս անակնկալ խօսքերուն առջև: Ալ կուլայի: Մտահոգութիւններս կրկնապատկուած էին: «Կ'երեւի քե խնդիրը պիտի երկարի» խօսքը կը կրկնուէր մտքիս մէջ և զիս անհանգիստ կընէր: Եւ ո՛հ, այս անտանելի վիճակը երկարի՞: Բայց որչա՞փ պիտի երկարի: Արդեօք սխա՞լ ըրի, իրենց կրօնքին դէմ խօսելովս: Ինծի չէ՞ր վերաբերէր. չէ՞ որ այսչափ մխիտնարներ և պատուելիներ կային, և անոնք ալ գիտէին և կրնային խօսիլ: Ե՞ս մնացի շիտակը խօսող: Ես ինչո՞ւ այսպէս քայլ մը առի: Եթէ հիմա զիս ցկեանս բանտար-



ինծի կոչար, նորէն ամանի մը մէջ քիչ մը մածուն և կտոր մը հաց ձեռքը ըլլալով: Երբոր զիս տեսաւ, շուարեցաւ: Կ'ուզէր շուտ մը հասկնալ թէ, փախստակա՞ն եմ, թէ ազատուած: Ես անհամբեր պոռացի, «Մեւքոն եղբայր, ազատած եմ, ազատած եմ»: Չէր կրնար հաւատալ: Մի քանի ժամուան մէջ ի՞նչ մեծ փոփոխութիւններ: Միթէ կարելի՞ էր: Կ'ուզէր հասկնալ թէ, իրականութի՞ւն է, և ի՞նչպէս: Վերջապէս տեսաւ թէ իրաւ ազատած եմ: Նա մանաւանդ երբոր ազատագրութիւնս ցուցուցի, ուրախութենէն սկսաւ ցատկել, փառք տալ, Սաղմոս երգել, և փառաբանել մեր Տէր Աստուածը, որ երէկ, այսօր և յաւիտեան նոյն Տէրն է, և կը շարունակէ հրաշքները: Ճամբան կ'երգէինք, «Ալէլուեա, Ալէլուեա»: Կրօնական բաներու համար ամօթը վերցուած էր այլևս մեզի համար: Այն գիշեր պանդոկը գացինք: Ես սկսայ մէկիկ մէկիկ պատմել բոլոր անցուղարձը: Ինք ալ պատմեց թէ ինչպէս յետաձգուեցաւ իր մեկնումը միքանի օր ևս: Ես աղօթելէս վերջ հանգիստ մը քնացայ: Որովհետեւ շատոնց անուշ քուն մը քնացած չէի: Իսկ Մեւքոն եղբայրը տակաւին կը փառաւորէր զԱստուած: Երբոր առտու եղաւ Մեւքոն եղբայրը ըսաւ. «Աս գիշեր ուրախութենէս երբէք չի կրցայ քնանալ: Մինչև առտու կը փառաւորէի զԱստուած և կ'երգէի, և փառք կուտայի»: Նախաձաշէն վերջ Մեւքոն եղբայրը զիս առաւ Գէորգ եղբայր ճիգմէճեանինց տունը տարաւ: Հոն եղբայրներ և քոյրեր կ'աղօթէին: Գացինք դուռը զարկինք: Պատիկ աղջիկ մը եկաւ, դուռը բացաւ, և ըսաւ. «Չէք կրնար վեր երթալ, վերը աղօթք կ'ըլլայ»: Մեւքոն եղբայրը ըսաւ. «Աղջիկս, մենք կրնանք երթալ. մեզի համար արգելուած չէ: Մենք ալ անոնցմէ ենք»: Սանդուխէն կամաց կամաց վեր ելանք: Դուռը բանալով առանց ձայնի մտանք և լուռ նստանք կարպետին վրայ: Եւ ահա Տօգթ. Իշխանեանին կիներ սապէս կ'աղօթէր: «Ի՛վ Տէր, կ'աղաչենք ի սրտէ, Դուն, Կարմուճի քարոզիչը, Սանատրուկը, այն բանտարկուած զաւակդ, հիմա բանտէն ազատէ և մեզի շրկէ»:




(1) Կարմուճի սարկաւազը, Մեխն եղբայր Գասպարեանի սղան Գասպար Գասպարեան, իմ հոգեւոր զաւակներէս միւ:  
 (2) Սարգիս Զափանեան, Կարմուճի, իմ հոգեւոր զաւակներէս միւ:  
 1905. Կարմուճ



1) Գրքագիր Գրգորյանը և Գրքագիր Գրգորյանը  
2) Գրքագիր Գրգորյանը և Գրքագիր Գրգորյանը  
1900 թվական

}}

ԿՎԿՆՆՆԻ



Գրգորյանի մոտ ԼՍԻ

Անոնք երբէք չէին գիտեր թէ Տէրը զիս ազատած էր : Պետրոսին բանտէն ելլելուն պատմութիւնն էր որ կը կրկնուէր : Գործք . 12 . 12—18 : Երբոր ազօթքը լինցաւ , ես սկսայ աղօթել , փառաբանելով Տէրը , որ իր զօրաւոր բազուկովը ազատած էր զիս , և իրաւցնէ զրկած էր , այս սիրելի եղբայրներուս և քոյրերուս : Ամէնը ուրախացան , փառաբանեցին զԱստուած իր հրաշագործութեան համար :

Մի քանի օր վերջը ճամբայ ելանք դէպի Ուրֆա : Ամէն կողմ տարածանուած էր որ Տէրը ազատած է Կարմուճի քարոզիչը : Ամէն մարդ ուրախ էր , և բոլոր եղբայրութիւնը փառք կուտար հրաշագործ Տէրոջը : Ուրֆայի Միտինարուհին Միս Շաթըզ , մէկ երկու հարիւր որբեր և որբուհիներով զխմաւորելու եկած էր քաղաքէն զուրս : Որբերը ճամբուն երկու կողմը շարուած երգերով և ուրախութեան ձայներով կը խնդակցէին մտաբերել տալով ծաղկազարդի կիրակին , Յիսուսի ովսանաներով Երուսաղէմ մտնելը : Կարմուճի զանգակները սկսած էին հնչել , մինչ մենք Ուրֆա կը մտնէինք : Մէկուկէս ժամէն հասանք Ուրֆայէն Կարմուճ : Չանգակին ձայնը մէկ կողմէն , և զիս զխմաւորելու եկող ժողովուրդին փառաբանութեան երգերը միւս կողմէն կը գլրդէր բոլոր գիւղը , և ամէն մարդ ոտքի ելած էր : Շիտակ ժողովատեղին գացինք բոլոր ժողովուրդով միասին , և փառաւորեցինք զԱստուած , որ իր հրեշտակը զրկեց և ազատեց իր զաւակը :

Տարի մը ևս շարունակեցի Կարմուճի մէջ Տէրոջը փրկարար աւետարանը քարոզելով : Եւ «Տէրը օրէ օր փրկուածները կ'աւելցնէր եկեղեցիին» : Նոյն տարուան մէջ հարիւրէ աւելի այրեր և կիներ ապաշխարեցին իրենց չար ճամբաներէն , և սկսան Տէրոջը ծառայել : Բոլոր գիւղը իրար անցած էր : Տէրը կը դործէր , և հոգիները կը փըրկուէին , խոստովանելով իրենց մեղքերը և հատուցանելով այն բոլոր անխրաւութեան և զողութեան փոխարժէքը : Եւ այսպէս Տէրոջը դործը կը զարգանար :

Կարմուճէն Այնթապի կ . Թ . Գոյէճը վերադարձայ : Բայց փառք Անոր օր , դպրոցին այս անգամուան բաղդատաբար պաշ մթնոլորտը չի կրցաւ զիս պաշտեցնել իմ բարձր և

վէհ խոէալէս: Ընդհակառակը քարոզչութեան փափաքը կ'այրէր և կը տոչորէր զիս: Սրտիս մէջ աւելի սաստիկ հուր մը կ'արծարծէր, և կը լափէր զիս:

Տարիները շուտ մը անցան: Գողճճէն ընթացաւարտ ըլլալով 1908, Սեպ. 11 ին Մարաշի Աստուածաբանականը մտայ: Հոս, դպրոցին չոր վարդապետութիւնները կարծես զիս քիչ մը տատանեցին: Սուրբ Գրոց քննադատական վարկածները զիս մասամբ տարակուսանքի մասնեցին: Թէպէտ չէի հաւատար, բայց երբեմն ալ մտքիս մէջ խորհելու առարկայ կ'ըլլար: Փա՛ռք, հազար փա՛ռք Տէրոջ Յիսուս Քրիստոսի, որ Անով ազատեցայ այդ տեսակ տարակոյսներէն յաւիտեանս, երբոր սկսայ քարոզել փրկարար աւետարանը եղածին պէս:

1911 ին Հաճընի Բ. Աւետ. եկեղեցւոյ հրաւերը ընդունելով երկու տարի հովուեցի և վկայեցի Փրկչիս քաւչարար արիւնքը և Անոր հոգեշունչ աւետարանը: Հոս էր, որ առաջին անգամ Տէրը գործածեց այս սկար անօթը իբր առաջնորդ բոլոր հոգևոր եղբայրութեան: Եղբայրութիւն մը կազմեցինք, «Հոգեսիրաց» անուանով: Բոլոր փրկուածները, եղբայրներ և քոյրեր այս եղբայրութեան անդամն էին: Շաբաթը երկու անգամ ժողով կ'ունենայինք: Մէկը ընդհանուր աւետարանական ժողով, իսկ մյուսը Սուրբ Գրոց ուսուցում: Մեզ առաջնորդ ընտրեցինք Տօլթ. Թօրին «What the Bible teaches», «Սուրբ Գիրքը ի՞նչ կը սուրվեցնէ» անուն գիրքը: Պարբերաբար կը թարգմանէի, կը տպէի և բոլոր եղբայրութեան կուտայի: Եւ բոլոր համարները կարգալով կ'ուսուսնասիրէինք Աստուծոյ Գիրքը: Եւ Տէրը կը վաւերացնէր իր խօսքը, իր Հոգիին զօրութիւնովը: Այսպէս սիրելի Փրկիչս գործածեց իր սկար ծառան Հաճընի մէջ, թէ եկեղեցիին և թէ եղբայրութեան մէջ մինչև 1913 Յունիս 20 ին, վկայ մը ընելով իր փրկարար արեան և ձրի շնորհքին: Հաճընի մէջ վայելած ուրիշ մէկ շնորհքս, Տէրոջը ինծի պարգևած կենաց ընկերն էր, որ ապագայ կեանքիս մէջ ինծի մեծ նեցուկ մը և իրական ընկեր մը եղաւ Տէրոջը գործին մէջ: 1913 ին կեսարիայէն առած հրաւերս Տէրոջը կամքը ճանչնալով ընդունեցի, և

հոն փոխադրուեցայ ընտանեօք: Թէպէտ դաշտը շատ փրշոտ և խնդիրները կնճռոտ էին, նորէն ալ կը հաւատայի որ ամէն բանի կարող է Ան, որ զիս կանչեց, և հոգերս Անոր վրայ ձգած էի: Թէպէտ երբեմն բաժանումներ և հակառակութիւններ կային, բայց կը հաւատայի որ Տէրը, և ոչ թէ ես, պիտի գործէ և գործածէ, եթէ անձնուրաց և զոհող զաւակներ ունենայ: Միակ վստահութիւնս Տէրն էր: Առանց վախնալու և ամչնալու կը վկայէի, ինչ որ Տէրը ինծի կուտար իբր պատգամ: Բացարձակ կը քարոզէի ճշմարիտ աւետարանը առանց հաշիւ ընելու թէ, արդեօք մարդոց կամքին կամ փափաքին կը յարմարի՞, թէ ոչ: Ինչու որ նոյառակս մարդիկ հաճեցնել չէր, հապա Տէրը հաճեցնել: Կը հաւատայի որ Տէրոջը զօրութիւնը մեծ է: Գիտէի որ եթէ Անիկ հաճի ամէն բան կրնայ փոխել: Եթէ մէկ անգամ ըսէ, «Լուէ՛» ամէն բան իր կամքին կը հպատակեցնէ: Միայն կը խնդրէի որ Տէրը հաւատքս աւելցնէ, և զիս լեցնէ խոնարհութեան և սիրոյ հոգիով: Եւ անա, Տէրը սկսաւ գործել: Տակաւ առ տակաւ բոլոր բաժանումը, պաղութիւնը և խոչնդոտները սկսան վերնալ, և սէր ու միութիւնը և խաղաղութիւնը սկսաւ թափառուրել: Ամէն ոք Տէրը կը փառաւորէր իր անհուն զօրութեանը համար: Այլ, և մեծութեան փափաքները մէկգլի ընելով և Քրիստոսի խաչին առջևը խոնարհելով:

## ՀՈԳԵԻՈՐ ԱՐԹՆՈՒԹԻՒՆԸ ԿԵՍԱՐԻՈՅ ՄԷՋ

Մինչ եկեղեցին սկսած էր վայելել իր խաղաղութիւնը, յանկարծ պայթեցաւ համերոպական պատերազմը: 1914 Օգոստ 2 ին պատերազմին կայծերը մինչև կեսարիա հասած էին: Բոլոր քաղաքը անուսարսափի մէջ էր: Թրք. կառավարութիւնը սկսած էր Հայութեան բոլոր կարիքը, նամանաւանդ փոխադրութեան միջոցները ձերբակալել և իւրացնել: Ժողովուրդը տակաւ առ տակաւ, կ'զգար թէ, իր ունեցածը իրը չէ: Բայց չէր կրնար երեւակայել թէ, ապագան ատկից աւելի վատթար իրականութիւններով ծածկուած էր: Հակառակ քաղաքականութեան և արտաքին հարստահարութեան, թշուառութեան և սարսափի ու տագնապի, եկեղեցւոյ մէջ, և բոլոր Հայութեան մէջ հոգևոր արթնութեան նշույլներ կ'երեւային: Օր ըստ օրէ ժողովուրդը կը խոնուէր եկեղեցի: Փորձութիւնները, չքաւորութիւն, և կառավարութեան հարստահարութիւնը աւելի կը մօտեցնէր շնորհաց աթոռին, Հօր Աստուծոյ, շնորհք և ողորմութիւն հայցելու և փառաւորելու իւր Սուրբ անունը: 1915, Մայիս 1 էն սկսեալ ամէն օր քարոզաժողովներ, ապա խարութեան ժողովներ կ'ունենայինք: Երկու հազարէն աւելի բազմութիւն կը խըռըւէր մեր եկեղեցին, և մինչև դռները կը լեցուէին: Պատուհաններէն և դրսի բակէն նայողներուն և լսողներուն թիւը հազարի կը մօտենար: Այս արթնութեան ժողովները շարունակեց կատարեալ չորս ամիս, մինչև 1915 Սեպ. 1: Ամէն օր առանց բացառութեան եկեղեցին կը լեցուէր և կը պարպուէր Տէրոջ փրկարար պատգամը լսողներու բազմութիւնով: Ապա խարողներուն թիւը օր ըստ օրէ կ'աւելնար, և Տէրոջ անունը կը փառաւորուէր առանց յարանուանական խտրութեան: Քրիստոս կը քարոզուէր և Խաչեալը՝ ամէնը իրեն կը քաշէր, լուալով և մաքրելով կողէն հոսած սրիւնովը:

Օր մը երբոր քարոզը լմնցուցի, Թագուհեցա հանրմը, վեր. Բ. Եագուպեանի Տիկինը, կանչեց զիս ըսելով, «Պատուելին քեզ կ'ուզէ»: Վեր ելայ: Ծերունագարդ Պատուելին պառկած էր: Սիւրոյ ժպիտով մը զիս քովը կանչեց, ձեռքս թոթվեց, և ըսաւ, «Չաւակ», Տէրը քեզ օրհնէ: Ես պառկած տեղէս սենեակիս պատուհանը կը բանամ, և ամէն օր Տէրոջ պատգամը կը լսեմ: Քաջ եղիր, մի՛ վախնար, և խօսէ, ինչու որ Տէրը քու հետդ է, և քեզ պիտի զօրացնէ, և ալ աւելի օրհնութիւն պիտի ընէ: Քեզ համար, և Տէրոջ գործին համար կ'աղօթեմ: 50 տարի կ'ըլլայ, և այս եկեղեցին շէնքը և երիցատունը կառուցած եմ: Մինչև հիմա գրէթէ այսպէս իրական կերպով իր նպատակին չէ ծառայած: Երբէք այսչափ բազմութիւն, այսչափ երկար, շարունակ կերպով, ամէն օր, եկած չէ: Տէրը իր օրհնութիւնները կը թափէ և սիրտըս կը հրճուի ուրախութիւնով: Փա՛ռք Անոր անուն»:

Յիրաւի գարմանալի է Տէրոջ գործեկերպը: Երբոր մարդկային ուժը կը դադարի գործելէ, Տէրը կ'սկսի գործել: Ո՛հ երանի թէ այս ճշմարտութիւնը լաւ հասկնայինք: Ո՛հ երանի թէ մենք ալ ըսէինք Պետրոսի պէս «Վարդապետ, բոլոր գիշեր աշխատեցանք ու բան մը չը կրցանք բռնել»: Դուկ. 5, 5: Երանի՛ թէ գիտնայինք որ մենք բան մըն ալ չենք կրնար ընել: Հոգևոր գործը Տէրոջն է: Երանի՛ թէ, մենք գործիչներս, ետ քաշուէինք, Տէրոջ պատեհութիւն տայինք, և Ան գործէր: Եւ ան ժամանակ հոգիները պիտի փրկուէին:

## ԱՆԽՈՒՍԱՓԵԼԻ ՓՈԹՈՐԻԿԸ

Աւա՛ղ, որ այս պայծառ և փայլուն արեգակը շատ կարճ տեւեց: Սեւ ամպեր պատեցին հորիզոնը: Սկսաւ սրտերն ալ մթագնիլ: Մարդիկ հանգիստ չունէին, ոչ իրենց տուներուն մէջ, ոչ ալ խանութներուն մէջ: Տէրօջը փրկարար պատգամով միայն կը մխիթարուէին: Խմբովին տեղահանութիւնը սկսած էր: Մօտակայ զիւղերը, բոլոր ընտանիքներով տեղահան կ'ըլլային: Արդէն աղքատ դասակարգին էրիկ մարդիկը 18 էն մինչև 50 տարեկանը զինուոր եղած և իբր աշխատաւորներու խմբակ «Ամէլի քապուրը», իրենց ընտանիքներէն հեռացուցած էին: Փրկագին— «Պէսէլի 'աւէրի», տուողներն ալ ինչ ինչ պատճառներով բանտարկած կամ կախաղան բարձրացուցած կամ աքսորած էին: Անանկ որ թուով քիչ էրիկ մարդիկ կային քաղաքին մէջ: Միայն 18 էն վար տղաքներ, 50 էն վեր ծերեր, կիներ և մանուկներ կային: Թէպէտ ժողովուրդին մէջ սա գաղափարը հաստատուած էր թէ, կեսարիոյ Հայութիւնը տեղահան պիտի չըլլայ, բայց ասիկայ սոսկ երազ մըն էր:

1915, Օգոստոսի երկրորդ կիրակին էր: Քարոզի ատեն էր: Յանկարծ երկու Փոլիս մտաւ եկեղեցւոյ զունէն ներս: Այլալեցայ ամպիոնին վրայ: Բայց նորէն ալ, շարունակեցի քարոզս: Քարոզը Թրքերէն լեզուով էր: Արդէն միշտ, թէ քարոզը և թէ բոլոր հոգևոր պաշտամունքները Թրքերէն լեզուով կ'ըլլային, ինչու որ բոլոր տեղացի Հայութիւնը Տաճկախօս էր: Փոլիսները կը հասկնային քարոզը: Թէպէտ վախ մը չունէի, ինչու որ Խաչեալ Յիսուսը կը քարոզէի: Բայց նորէն ալ կը քաջուէի, ինչու որ, զիտէի որ եթէ անոնք ուզեն չարութիւն մը ընել, կ'ընեն ոչինչ պատրուակներ բերելով: Քաղաքականութեան այդ փափուկ ատենը դժուար բան մը չէր ու է պատճառով կամ առանց պատճառի ձերբակալել, բանտարկել և կախաղան հանել: Փոլիսները առանց բան մը ըսելու մեկ-

նեցան: Ես ալ շուտ մը ժողովը փակեցի: Եւրօր դուրս ելանք, տեսանք որ ամէն անկիւն զուլս, մեր եկեղեցի-ին դուռն ալ, խոշոր գիրերով թուղթեր փակցուած էին, որ սապէս կը կարդացուէր: «Սեպտ. 1 էն սկսեալ բոլոր Հայութիւնը, առանց բացառութեան Հալէպ և շրջակաները տեղահան պիտի ըլլան»: Հրամանը վերջնական էր, և ազդու: Ամէն մարդ պատրաստութիւն կը տեսնէր: Ալ համոզուած էինք որ մեր վերջին օրերն էին: Վերջին կիրակին հասած էր: Ժողովուրդը սովորականէն աւելի խոնուած էր եկեղեցին: Վերջին անգամ հաղորդութեան սեղանին պիտի մօտենայինք: Ուզեցինք որ ձերունի Պատուելին, մեզի հետ մասնակցի: Երբ բոլոր ժողովուրդը ոտքի վրայ պատրաստ էր մօտենալու Տէրօջը սեղանին, նախ վեր. Բ. Եագուպեանին տարի հացը և զինին: Յետոյ մենք մօտեցանք արցունքով մեր Տէրօջը մեզի համար թափած արեան, և մնր մեղքերուն համար պատարագուած մարմինին հաղորդ ըլլալ: Արցունքով և լալով բաժնուեցանք: Ատիկա եղաւ մեր վերջին ժողովը և հաղորդութեան սեղանը:

Շաբաթ մը վերջ կառավարութիւնը ուրիշ հրովարտակ մը հանեց.— «Բոլոր քահանաները, և պապականները բացառութիւն պիտի սեպուին տեղահանութեան շարժումէն»: Վաղանցիկ ուրախութիւն մը համակած էր այդ յարանուանութեան պատկանողները: Շատերը կը փափաքէին իրենց անունները այդ յարանուանութեանց ու է մէկուն ցանկին աւելցնել: Բայց անկարելի էր: Չէինք հասկցած թէ, ի՞նչ շարժառիթով կ'ընէին այս բանը: Ոմանք կը կարծէին թէ, պատճառը՝ բողոքականներուն և պապականներուն աւելի կրօնամոլ ըլլալն է, կամ նուազ ձեռնամուխ՝ կուսակցական և հակակառավարական հոսանքին: Ուրիշներ տարբեր գաղափարներ կը յայտնէին: Բայց ամէնն ալ կարծիք էր: Վերջը հասկցուեցաւ որ, ատիկա դիւրութիւն մըն էր կառավարութեան պաշտօնեաներուն գործելակերպին: 15 օրուան մէջ կատարուեցաւ տեղահանութեան հրամանը: Թշուառ, անօթի, մերկ աղջիկներ, տղաքներ, ծերեր, կաթնաու մայրեր, յղի

կիններ քշուեցան տունէն, տեղէն, հանգչստէն, պարէնէն, ազգականներէն, բարեկամներէն, ծնողքէն, էրիկէն և ամէն բանէն զրկուելով: Ուր կ'երթային, իրենք ալ չէին գիտեր: Ժանտարմաները կը խաբէին ըսելով— «15—20 օրէն պիտի վերադառնաք»: Սյս թշուառ կառավաններուն սրտաճմլիկ վիճակը նկարագրել զըջի կարողութենէն վեր է: Հիմա բոլոր Հայութիւնը հեռացած էր Կեսարիայէն: Պարպուած տուները թուրքերը կը մանէին, կ'աւերէին, կը քակէին, կը փլցնէին, և աւարը տուներնին կը փոխադրէին: Արդէն «Էմվալը մէքրուէ» անուն ընկերութիւնը ամէն բանի ձեռք զարկած և Հայութեան բոլոր գոյքերը առած էր: Երանի՛ թէ, Բողոքական և Պապականներն ալ տեղահան ըլլային: Հազար անգամ կրկնեցինք: Բայց ի՞նչ օգուտ: Քիչ վերջ ուրիշ հրաման մը ելաւ: Կեսարիոյ մէջ Հայ անուշտով ու է ընտանիք մը կամ անհատ մը մնալու չէ: Բոլոր Պապական և Բողոքականները մերձակայ թուրք գիւղերը հաստատուելու են, մէն մի գիւղ երկու երեք ընտանիքէ աւելի չըլլալու պայմանաւ: Նպատակը բացորոշ էր: Կ'ուզէին բոլոր Հայոց ստացուածքին տիրանալ, և այս կերպով Հայութիւնը ցուրտ թրքաց մէջ ցրուելով: Ծատեր, շատ զրամներ կ'երցուցին, որ գոնէ Կեսարիայէն միայն 2—3 ժամ հեռաւորութիւն ունեցող գիւղերու մէջ հաստատուին:

Տակաւ առ տակաւ աւելի չարագոյժ լուրեր կը լըսուէին: Երբեմն տեղեր կը թրքացնէին Հայութիւնը, ուրիշ տեղեր կը բանտարկէին Հայ ազլիկները որ, թուրքերու հետ ամուսնանան: Կը լսէինք որ երբեմն տեղեր էրիկ մարդիկը դատած, և քիչ մը անդին տանելով մեռցուցած էին: Եւ կ'իներն ու զաւակներն ալ թրքացուցած, և յետոյ իրենց տուներուն մէջ իրր ծառայ կամ կ'ին տուած ըլլալով կը գործածէին: Չէինք ուզեր հաւատալ, բայց իրականութիւն էր: Կեսարիոյ մէջ ալ մեծ շարժում մը սկսած էր կրօնափոխութեան: Մարդիկ միայն այդ կերպը դտած էին փրկութեան: Կառավարութիւնը թափ կուտար այս շարժման, թրքացուները ողջ թողելով, և չըթքացուները սուրէ անցնելով: Ժողովուրդը զրէթէ առանց

բացառութեամբ համոզուած էր կրօնափոխ ըլլալու, սա երեք տեսակետով: (1) Համոզուելով թէ, ասիկա կրօնական յարձակում մը ըլլալէ աւելի ազգային խնդիր մ'է, անանկ որ մենք Քրիստոնեայ ըլլալնուս համար չէ որ կը մեռցունք, հապա՛ Հայ ըլլալնուս համար է: Ինչո՞ւ օտարահպատակ Հայերը չեն մեռցուիր, կամ Յոյները, որ անոնք ալ Քրիստոնեայ ազգ մը կը սեպուին, ինչո՞ւ բնաջինջ չեն ըլլար: Կամ եթէ կառավարութեան նպատակը Քրիստոնէութիւնը բնաջինջ ընել է, ի՞նչպէս Գերմանիոյ հետ կրնայ համակարծիք ըլլալ, չէ՞ որ Գերմանիա ալ Քրիստոնեայ ազգ մ'է: Թուրքին նպատակը Հայը բնաջինջ ընել է, ոչ թէ Քրիստոնեան: Բացայայտ է որ եթէ Հայութիւնը ուրանանք, և թուրք ենք ըսենք, ողջ պիտի մնանք: (2) Ուրիշներ կ'ըսէին, «եթէ մենք յամառինք և չըթքանանք մեզ պիտի մեռցնեն, և մեր ընտանիքները և զաւակները դարձեալ պիտի թրքացնեն, և խայտառակեն, և մեր ապագայ յոյսերը պիտի ցամքեցնեն: Ուստի եթէ մենք թուրք ենք ըսենք, գոնէ մեր ընտանիքները թուրքերուն դուռը չի մնար: Սյս կերպով թուրքերը խաբելով թէ մենք ողջ կը մնանք, և թէ ընտանիքնիս Հայ կը մնան»: (3) Ուրիշներ ալ կ'ըսէին, արդէն այս շարժումը հանուր Հայութեան է. այլ ևս պախարակող ալ պիտի մը հանուր Հայութեան է. այլ ևս պախարակող ալ պիտի չմնայ սա կարճատե փորձութեան հետք թրքանար: Ասիկայ խաղ մըն է, ողջ մնալու համար: Տէրը թող ներէ մեզի: Բայց, ո՛հ, ի՞նչպէս Տէրը կրնայ ներել գիտակցաբար գործուած մեղքը: Միթէ կեանքի վերապրումը միայն սուտով ըլլալու է: Եւ թէ, Տէրը ճշմարիտը խօսելով և խօսեցնելով, ապրեցնելու կարող չէ՞: Սյս հարցումներն էր որ զիս անհանգիստ կ'ընէին և կը խղճահարէին:







## ԱՊԱՇԽԱՐՈՒԹԻՒՆՍ

Արդէն համոզուած էի որ սխալ ըրած էի: Գիտէի որ կարճ ճամբան, ետ դառնալէ, և մեռնիլ Քրիստոսի համար: Բայց «հողին յօժար մարմինը տկար» էր: Մտքով գայթակղած էի, Միսիոնարներու հակա—Քրիստոնէական կեանքէն: Երբէք չէի ուղեր անոնց հետ խօսակցիլ: Չանոնք դաւաճան կը ճանչնայի: Եւ կ'ըսէի «ինչ<sup>ո</sup> Պատ. Միպար Մնչերեանը չը պահեցին, և խեղճը Թրքանալու ստիպուեցաւ: Դարձեալ, ինչ<sup>ո</sup> երբոր ես դիմում ըրի որ, իմ անունս իրենց գործաւորներուն ցանկին մէջ գնին, և չը դրին: Չէ՞ որ ես ալ իրենց գործաւորը կը սեպուէի: Չէ՞ որ եկեղեցին առաջին անգամ իրենք հաստատած էին: Իմ եկեղեցիս ինքնակառավար ըլլալուն համար մե՞զք գործեց: Եւ ես ինքնակառավար եկեղեցւոյ մը հովիւ ըլլալովս իրենց չե՞մ պատկանիր: Այս հողին չէի հասկնար: Կը բողոքէի, և յանցաւոր կը գտնէի զիրենք: Եթէ զիս ալ իրենց գործաւորներուն ցանկին մէջ դրած ըլլային, հիմա ես ալ Հալէպ աքսորուած պիտի ըլլայի և այս փորձանքը գլխուս պիտի չգար: Ինձի միսիոնարները թող չը խօսին, ով կ'ուզէ թող խօսի»:

Կրնամ ըսել թէ երեք զիպուածներ առաջնորդեցին զիս իրական և կատարեալ ապաշխարութեան: Օրէ օր խղճահարութիւնս կ'աւելնար, և կը բիւրապատկուէր, և տակաւ առ տակաւ զիս յետագայ երկու որոշման կը բերէր: (ա) Ինքնասպանութիւն, կամ (բ) Երբայ, կուսակալիս առջեւ խոսովանիլ, թէ՛ նս Իսլամութիւնը չեմ ընդունած. ես Քրիստոնեայ եմ: Բայց ասոր հետեանքն ալ նոյնը պիտի ըլլար. — կախաղան: Նորէն ալ ձայն մը ներսէս ինձի կ'ըսէր. «Եթէ ինքնասպան ըլլաս», խղճահարութենէդ պիտի չազատիս: Միայն կեանքդ պի ի վերջացնես այս աշխարհի մէջ: Բայց խոտովանիլ և մեռնիս, յաւիտեան պիտի աշատիս իսլամահարութենէդ, և Տէրը պիտի ընդունի քեզ»:

Ամիսները շուքի պէս կ'անցնէին: Օր մըն ալ լսեցինք որ վեր. Մ. Մնչերեանը հրատազնապի հիւանդութեան բռնուած է, և լեզուն առնուած է, անանկ որ ալ չը կրնար խօսիլ: Երեք օր վերջը լսեցինք որ առանց կարենալ բան մը ըսելու մեռած է: Ո՛հ, կարելի է կ'ուզէր բաներ մը ըսել: Կ'ուզէր խոստովանիլ, կ'ուզէր խրատել, կ'ուզէր կոտկել, կ'ուզէր ապաշխարել, բայց չը կրցաւ: Պատեհութիւնը յաւիտեանս թուաւ զնայ անկէ: Ալ անհնար է տարբեր ուղղութիւն մը առնել անոր համար: Ալ ինչ որ է, ան պիտի ըլլայ յաւիտեանս: Սիրելի հովիւն ալ յոյս կերպով մահը, և այդ անուան տակ, ինձի մեծ սարսափ ազդեց: Միշտ ես ինձի կ'ըսէի, եթէ նոյնը ինձի վիճակի, ո՛հ ի՞նչ պիտի ընեմ: Չեմ ուզէր անապաշխար մեռնիլ: Երկրորդ զիպուած մը, սիրելի Փլօրայիս, սրտահատորիկիս մահն էր: Այս պահուս նորածին աղջիկս մեծցած էր, ութը ամսուան եղած էր: Թոմպուլիկ և աղուորիկ էր. նաև շատ սիրուն և հրապուրիչ էր, նոյն իսկ այդ հասակին մէջ: Էրքիլէթէն Կեսարիա փոխադրուած պահուն, գազանաբարոյ ժանտարմային մեզի տուած նեղութիւնները, Բարուհիին, պզտիկը գերկը, զիջերուան պահուն սարսափով վեռադարձը և փախուստը, Փլօրան սաստիկ հիւանդացուցած էր: Երբոր Կեսարիա եկանք, Փլօրաս հանգչեցաւ «Փրկչիս բազուկներուն մէջ»: Թուաւ անուշիկ հողին: Յիսուսին քով: Այս անուշիկ աղջկանս մահը զիս աւելի տանջեց, և կարծես աւելի բացորոշ կերպով, Տէրը այս երկու մահով ինձի ըսել կ'ուզէր: «Սանատոր՝ Էկ, դեռ պիտի չապաշխարե՞ս»:

Գոլէճ եղած ատենս «Քօ Վատիս» անունով Անգլիերէն գիրք մը կարդացած էի, Պետրոս Առաքեալին կեանքին վերջին պատմութիւնները: Վերջը անկէ մաս մը թարգմանելով Թրքերէն լեզուի, գոց ըրած էի, արտասանելու համար ամավերջի հանդէսին առթիւ: Այդ պատմութեան մէջ Քրիստոսի Պետրոսին ուղղած հարցումը իմ ապաշխարութեանս երրորդ, և ամենամեծ ազդամը կը եղաւ: Պատմութիւնը, որ տարիներ առաջ գոց ըրած կը եղաւ: Պատմութիւնը, որ տարիներ առաջ գոց ըրած էի մէկիկ մէկիկ աչքիս առջևէն կ'անցնէր, և կարծես

Քրիստոս ճամբորդի մը ձեռով իմ դէմս ալ ելած և ինծի ալ կ'ըսէր. «Ու՞ր կ'երթաս, Բովաթիս», Պետրոս՝ կ'ըսէ. «Ներոն թագաւորը բոլոր Քրիստոնեաները սուրէ կ'անցնէ, զիս ալ կը փնտռէ որ մեռցնէ, անոր երեսնէ կը փախչիմ»:

Պետրոս ճամբորդին առանց ով ըլլալը ճանչնալու կը հարցնէ, «Տէր իմ, զուք ո՞վ էք, ինչո՞ւ այդչափ տրտում կ'երեւաք, և ու՞ր կ'երթաք»:

«Ես Յիսուան եմ: Հռովմ կ'երթամ այս անգամ, քու տեղդ խաչուելու»:

Այս խօսքերը ինչպ'ս որ Պետրոսին սրտին ազդեցին, իրականութեան մէջ այնչափ, և ալ աւելի ինծի կը խօսէին, սիրտս կ'այրէջին: Եւ ո՞հ արտասուածք որ կը հառաչէի:

Երբոր Պետրոս այս խօսքերը կը լսէ, Յիսուսի ոտքերուն կ'իջնայ և կ'ըսէ, «Ո՞հ Սիրելի Փրկիչս, քու սէրդ զիս կը հալեցնէ: Դուն Հռովմ պիտի չերթաս: Ես կ'երթամ և կը յանձնուիմ»:

Այս տեսիլքէն վերջ Պետրոս կը վերադառնայ Հռովմ: Ներոն թագաւորին կը ներկայանայ, և կ'ըսէ. — «Ես եմ Պետրոսը, որ կը փնտռէիր: Հիմա Քրիստոսիս համար մեռնելու պատրաստ եմ»:

Ներոն կը հրամայէ որ խաչը հանեն: Ան՝ իջապէս հըրամանը կը կատարուի, և երբոր խաչը կը հանէին զինւորներուն կ'ըսէ, «Իմ Փրկիչս այդ ձեռով խաչելին, ես Անոր պէս խաչուելու անարժան եմ: Զիս գլխովար խաչեցէք»: Եւ ահա Պետրոս, այս կերպով իր կեանքը կը վերջացնէ Քրիստոսի համար:

Ո՞հ, կարծես այս բոլոր պատմութիւնը իմ զգացումներուն թարգմանութիւնն էր: Այլ, համոզուած էի: Ապաշխարած էի արևով: Իմ Տէրս զիս ալ համոզած էր, Պետրոսին պէս, իրեն համար մեռնելու: Այլ պատրաստ էի, ես ալ, Պետրոսին պէս, կուսակալին երթալու և ըսելու, «Հիմա Քրիստոսիս համար մեռնելու պատրաստ եմ»:

Օր մը կնոջս ըսի, — «Բարուհի, Փառք Տէրոջս որ, ես ապաշխարած եմ»: Եւ իրեն պատմեցի թէ, պատրաստ էի երթալ կուսակալին առջևը խոստովանելու: Կինս շատ ուրախացաւ: Մէկ երկու օր ետքը, վերջին հրաժեշտս տուի

կնոջս, և կտակներս ընելով մեկնեցայ դէպի Կախադան, շիտակ կուսակալին մօտը: Կինս անակնկալ քաջութեամբ մը ըսաւ, — «Գնա՛, սիրականս, և պաշտած Քրիստոսիդ համար մեռիր: Այս կերպով մեռնելովդ աւելի շատ պիտի քարոզես, քան թէ ապրելովդ: Ինծի համար հոգ մի՛ ըներ: Տէրը որքերուն և որքեւարիներուն Հայրն է»: Այս վերջին բառերը արտասանած ատենը աչքերէն արցունքները ջուրի պէս կը հոսէին: Բաժնուեցայ, գացի կուսակալին: Աշխատեցայ ներս մտնել և խոստովանիլ: Բայց անկարելի եղաւ: Պահապանները ուէ մէկը ներս չէին թողուր: Վերջապէս ինծի ըսին — «Անկարելի է ներս մտնել: Եթէ ըսելիք մը ունիս, աղերսագրով կրնաս ըսել»:

Յուսախար վերագարձայ: Կինս չէր ուզեր զիս ներս ընդունիլ, խորհելով թէ, ես վախցած եմ, և կուսակալին չեմ գացած: Իրեն պարագաները պատմեցի: Եւ միւս օրը զրիչը ձեռքս առնելով, Թուրքերէն լեզուով և զրբուով, սա աղերսագիրը շարադրեցի: Կ'երեւի թէ Սիրելի Փրկիչս փափաքն ան էր որ ապաշխարութիւնս գրութիւնով ըլլայ և յաւէտ պահուած մնայ: Պատճէնը սա է: —

Հուզուրը Սամիի Հագրեքի Միւքսարքի Եփեմիչէ ԱբուՅեքիու Էֆեմիսիմ Հագրեքիերի

Պեհեհլերի հեռ նե գասար պիր միւսսեքսեկ պերու Իւլամիչեք իսմիցի գապուլ էքմիե Իսեմեք, քագրիեք մեհպուրըմ ֆի հագրիգաքեկն գանա'աք կեքիբեքեք ֆեյիլ, իլլա խավֆրմսանն ցաեի ինքիսա էքմիեքմ: Իւպուլ քահրիքաքը Էագմաղա մեհպուր էսեկ սաիգա իսե, պաեգա հիչ պիր ֆեյ օլմայարագ, օ սագրիգ'եսեկն պերու սեռուցիմսե հուսուլիեգիր օլան սեհեքիլի գամիր իգրիքապը օլմուե քըր: Էօյլե պիր իգրիքապը սեռուցի ֆի պեհի սաիմա միւքքարիպ էքմեքե վե գալպիմի նեհեկնեմ արեքի իլե ինրագ էյլեմեքե ֆիր: Պու իգրիքապը սեռուցիլի հասըլ էյլեյեկն վագը'ա իսե, սեռուցեկն

վե հագիգաքեն Իսլամ օլլամարե իքեն, եալան սեօլէյերեք վե միւրաիլիք Էսեքեք Էենսիմի Իսլամ կեօսքերմեքեք մեյսանա կելմիք սիր: Իմսի պու վեսիգե իլե պեյան էքմեք իսքեքիմքի պեմեքեքիգ փուչիւփիւչիւմեքեք պերու երիսքիան քալիմի իլե պեօլիւմիւք վե Իսա էլ Մեսիհին մեյսանա կիքիքսիյի բուհանի հայաքը եաշամբըմ: Հեք նե գասար ինքիսա էքմիք իսեմեք Իսլամիքիքի եաշամայօրմ: Պիլ'աֆս սեռունեք երիսքիան հայաքընը եաշամագսա իմ: Իննիլի Շեքիֆին քալիմաքընա կեօրե խաքայը փմե գաւթը էքմիք իսեք, աճնա իգրար Էսեքեք 'աֆվլըգ սիլեմեիլիլիգ: Իմսի պեմեք սե պու միւրաիլիք վե եալան կիւնահընը քարաֆը 'ալիլեքիքեք էքմիք օլսուղըմսան իգրար իլե մեքհամեքի նեիլիլեքիքեք իլքիմա Էսեքիմ . . . :

17, Քեանունը սանի Ագսեմեք Գայսեքի Փրօքեքսանը  
1332 Բեքսի Բուհանիսի  
Սանասրուկ Շանլեան

Թարգմանութիւնը սա է.—

Վեհափառ Տէր Կուսակալ

Թէպէտ ժամանակէ մը ի վեր Թրքութեան վերաբերեալ թուղթ մը ընդունած եմ, բայց ստիպեալ եմ խոստովանելու որ, չէ թէ իրապէս համոզուած ըլլալով, այլ վախճու պատճառաւ կրօնափոխ եղած եմ: Այս առիթով կուզամ արտայայտել թէ, սոսկալի տագնապ մը և խըղճահարութիւն մը ստիպած է զիս այս աղերսագիրը գրելու: Այնպիսի տագնապ մը, որ զիս յաւէտ կ'այրէ, և սիրտս դժոխային կրակով մը կը տոչորէ: Այս խղճահարութեան բուն պատճառը՝ կեղծիքս, ու ստախօտութիւնս է, որ իրականութեան մէջ Թուրք մը չըլլալով՝ ինքզինքս կրօնափոխ ըլլալ կը ձեւացնեմ: Արդ՝ այս գրութիւնով կ'ուզեմ յայտնել որ, ես պզտիկուց Քրիստոնեայ մը եղած եմ: Եւ այնպէս մեծցած եմ Յիսուսի կեանքը իմ մէջս ըլլալով: Թէպէտ այդ Թուրք անուշը վրաս առած եմ,

չեմ կատարէր այդ կրօնքին պահանջները: Ընդհակառակը կ'ապրեմ իրական Քրիստոնէական կեանքը գաղտնապէս: Մեր Աւետարանը մեզ կը սորվեցնէ որ, մեղքը ուրու գէմ որ գործելու ըլլանք, պէտք է անոր երթանք և խոստովանինք և ներում խնդրենք: Ես ալ այս կեղծիքի և ստախօտութեան մեղքը քանի որ ձեզի հանդէպ գործած եմ, կը խոստովանեմ ձեր առջև թէ սխալած եմ, և կը հայցեմ ձեր սղորմութիւնը:

Յունվար 17/30 (Նախկին) Կեսարիոյ Բողոքական  
1916 Եկեղեցւոյ Հովիւր  
Սանատրուկ Շանլեան

Աղերսագիրը առի շիտակ կուսակալին գացի, դըռնապանին յանձնեցի: Դռնապանն ալ ներս տարաւ: Քիչ վերջ, կուսակալը աղերսագիրը ձեռքը՝ դուրս ելաւ գունատած, — «Այս աղերսագիրը քուկ'դ է»:

«Այ'ո, Տէր իմ»:

«Դուն Բողոքականաց Պատուելի՞ն ես»:

«Այ'ո, Տէր իմ»:

«Այս աղերսագիրը դո՞ւն գրեցիր, և ստորագրութիւնը քուկ'դ է»:

«Այ'ո, Տէր իմ»:

Ի՞նչ է նպատակդ այս աղերսագրով, և ի՞նչ ըսել կ'ուզես»:

«Տէր իմ, ինչ որ գրած եմ, անկը չեշտեմ: Ըսել կ'ուզեմ որ, ես Քրիստոնեայ եմ, և ձեր կրօնքը — Իսլամութիւնը —, ընդունած չեմ արդէն, և կ'ուզեմ յայտնել այս իրականութիւնը: Հոգ չէ թէ հետեանքը ինչ որ ալ ըլլայ: Մահը կրօննցուցած է իր սարսափը ինձ համար: Յիսուսիս համար մեռնելու պատրաստ ըլլալով եկած եմ: Սիրելի Փրկիչս չեմ կրնար ուրանալ: Կնիկա վերջին անգամ ձեր առջև և բոլոր ժողովուրդին առջևը դաւանելու և նահատակուելու համար եկած եմ: Հիմա պատրաստ եմ ձեր հրամանին»:


Կուսակալը այլայլած, հաստատ և լուրջ ձայնով մը ըսաւ, — «Տակաւին կեանքի մէջ ձեզի պէս քաջ, ան-



## ՏԵՐՈՋԸ ԳՈՐԾԵԼԱԿԵՐՊԸ

Այս բաներէն հազիւ թէ 10 – 15 օր վերջ, իրիկուն մը, մութը կոխած էր: Դուռը զարնուեցաւ, վար իջայ, որ չորս մարդիկ դուռը կայնած են ծպտեալ: Հայ ըլլալին յայտնի էր: Կը քաշէին զիս, որ դուրս հանեն տունէն: Երբոր չկրցան— «Դուն կեալուր կ'ըլլաս հը», ըսելով իջեցուցին գլխուս, հոտ մը, հատ մըն ալ: Պոռացի, հազիւ թէ կինս փայտ մը քաշելով վրայ հասաւ, և կրցաւ փախցնել այս սրիկաները: Վերջը հասկցանք որ նշանաւոր վասակ Միհրան Եագըճեանին մարդիկն են եղեր, ծեծել եկած են: Խեղճ արարածներ, չէին գիտեր թէ ինչ կ'ընեն: Երբոր Տէրը կը գործէ, մարդիկ ի գուր կ'աշխատին դիմադրել: Տէրը համոզած էր Սանտորուկը, այս քայլը առնելու— ապաշխարելու— համար: Ծեծը կամ նախատինքը և հալածանքը չէին կրնար ամպոտել այս փայլուն երկինքը: Ուրախութիւնս կրկնապատկուած էր: Գիտէի որ ապաշխարութեանս համար էր: Յիսուսիս համար էր: Եթէ այսչափ ըլլար, աժան ազատած պիտի ըլլայինք: Միքանի օր վերջը Վասակ Միհրանը և ուրիշներ կ'երթան զինուորական պետին, կը գանգատին թէ, «Հոս Հայ մը կայ, որ զինուորի տարիք ունի: Բողոքականաց պատուելին եմ ըսելով ազատ կը պատի: Մինչդեռ ոչ ժողովուրդ ունի, ոչ ալ պաշտօն»: Զօրապետը կը հրամայէ որ անմիջապէս ձերբակալելով բանուորներու բանակը Գոյա Տիպի ըտուած տեղը զրկեն: Վայրկենական կատարուեցաւ հրամանը: Զիս բռնեցին և զինուոր ընելով բանուորներու բանակը զրկեցին: Իսկ ընտանիքս և երկու տարեկան մանչս աքսորեցին երկրող անգամ, Համիտիյէ— Պիւնեէն ըտուած գլուղ մը, Թուրքերու մէջ: Երկար ժամանակ ոչ ես ընտանիքէս լուր ունէի, ոչ ալ ընտանիքս ինձմէ: Կինս կը խորհէր որ, զիս մեռցուցած են, ես ալ կը խորհէի որ, կինս և զաւակս մեռցուցած են: Բայց «Ամէն բան բարիի գործակից կ'ըլլայ անոնց որ զԱստուած կը սիրեն»: Հոովմ. 8.

ՊԿՅՈՒՄ



28: Մեր ոստիւններուն թշնամարար ըբած այս դաւաճանութիւնը բարչի գործակից եղաւ: Կինս Թուրքերուն մէջ ապահով մնաց, մինչև որ մեր ազգակիցներուն բարկութիւնը իջաւ, և ամէն բան մոռցուեցաւ: Եւ ես զինուոր մ'ըլլալով աւելի ապահով էի ամէն կողմանէ թշնամիններու արհաւիրքէ: Նախախնամական հրաշքով բանուորական բանակէն Սեփաստիա, արհեստանոց փոխադրուեցայ: Մինչ այդ խումբին մէջ եղած բոլոր Հայ զինուորները կէմէրէք ըսուած տեղը տարին և ջարդեցին: «Ո՛վ Տէր, ես անարժան էի, ինչո՞ւ ողջ մնացի»: Ես ալ չէի գիտեր: Կը տեսնէի որ ձեռք մը ինծի հովանի կ'ըլլար: Եթէ Տէրը ուզէ պահել, Անիկա կրնայ: Անոր կերպերը, և զօրութիւնը հատած չէ: Արհեստանոցի մէջ, դերձակի խումբին կը պատկանէի: Բայց դերձակութիւնը լաւ չէի գիտեր, և արհեստաւոր ըսուելու արժանի չէի: Օր մը ցանկ մը շինեցին վարպետ չեղողներէ, և կ'ուզէին բանակէն վտարել, և բանուորներու բանակը ղրկել: Այս ցանկին զուխը իմ անունս գրուած էր: Այս անգամ անշուշտ փախուստ չէի կրնար տալ: Բայց Տէրով մէկ կարգադրութիւնովը, — Եոյն, սօգթօրի մը, Տօգթ. Փանայօթի խնամքովը հիւանդանոց փոխադրուեցայ, և ետ մնացի աքսորուողներու խումբէն: Վերջը լսեցինք որ այդ որոշուած Հայ զինուորներու ցանկը փոխանակ բանուորներու բանակը առաքելու, «Սուչէհրի» ըսուած տեղը ղրկած են, և հոն սպաննած են բոլորն ալ: «Ո՛վ Տէր, քու խորհուրդներդ անքննելի և անզննելի են»: Ինչո՞ւ այդչափ անմեղ արիւններ թափուին: Ո՛հ ես չեմ գիտեր: Բայց գիտեմ որ այս անգամ ևս, Նա զիս պահեց: Ինչո՞ւ պահեց, միթէ արժանիք ունէ՞ի. քաւ լիցի: Անորն է փառքը, պատիւը, յաւիտեանս յաւիտենից: Այս դէպքերու ժամանակ կինս փախուստ տալով ազատած էր, պզտիկին հետ միասին, և հաստատուած էր Կեսարիոյ մէջ:

1917 ի աշունն էր: Սեփաստիոյ դերձականոցէն 40ի չափ զինուորներ Կեսարիոյ զինուորական բանակին արհեստանոցը ղրկեցին: Ես ալ ատոնց մէջն էի: Ուրախ էի որ, հիմա ընտանիքիս մօտը պիտի ըլլայի: Բայց այս տեղի

գործը աւելի ծանր և տաղտկալի էր: Նամանաւանդ զի-  
չերները 3—4 անգամ պահակ պահել, օրական երկու ան-  
գամ ոչինչ գարավանա յով մը. ո՛հ, անտանելի կը թուէր:  
Բայց համբերելու էի: Ամիսները տարիներ կ'ըլլային:  
Ամէն բան ասկաւին մուտ էր:

1918 ին ամառը սկսած էր: Կեսարիոյ արհեստանոցը  
և բոլոր զինուորները էրզրնկեան պիտի փոխադրուէին: Ես  
պատրաստ չէի երթալու բանակին հետ միասին: Ինծի  
կուգար թէ, այս ճամբորդութեան մէջ Հայ զինուորները  
պիտի մեռնեն: Կ'ուզէի փախչիլ: Բայց ի՞նչ պէս փախչիլ,  
և ո՞ւր: Միթէ բազէի ձեռքէն ճնճողով կրնա՞յ ազատիլ:  
Կրնա՞յ ուրիշ Հայ ընտանիքի մը հետ Սթամբուլ անուն  
գիւղ մը գացած էր օդափոխութեան, մի քանի շաբաթ-  
ուան համար: Օր մը բանակէն զատուելով ես այ հոն գա-  
ցի, և չը վերագարծայ: Այլ փախստական էի: Զօրագետը  
խմացած էր որ փախած եմ, և կը փնտռէին ամէն տեղ:  
Խորհելով թէ ապահով չեմ Կեսարիոյ մէջ, կարգադրեցի  
Գոնեա, անկից ալ Պօլիս փախչիլ: Բաւական ալ յաջողած  
էի: Երբոր կառապանին հետ Պօղազ Քէօփրիւ ըսուած տե-  
ղէ մը կ'անցնէինք, Կեսարիայէն 5—6 ժամ հեռու, բըւ-  
նուեցայ: Եւ կապուած կաշկանդուած, ոճրագործներու  
մէջ— Գալային մէջ— աչքս բացի իբր փախստական  
բանտարկեալ մը: Չեմ ուզեր նկարագրել աղտոտութիւնը,  
անմաքրութիւնը, անբարոյականութիւնը որ կը տիրէր  
ամբողջ բանտի խուցերուն մէջ, այլ կ'ուզեմ ըսել թէ ան-  
տանելի էր, այնպիսի մթնոլորտի մը մէջ ապրիլ օր մ'իսկ:  
Բայց փառք Տէրոջ որ համբերութիւն և կեանք տուաւ,  
և ուզեց այս պլպլացող պատրոյգը վառել և լուսաւորել  
այն խաւար անկիւնները: Նախ ինծի պատասպարան մը ե-  
ղաւ այս դժոխային վայրը ողջ մնալու: Որովհետեւ մ.ր  
բանակը և ընկերներս էրզրնկեան քուած էին: Բանակին  
մէջ 100 է աւելի Հայ զինուորներ կային: Ո՛հ, անոնցմէ մէ-  
կը ետ չդարձաւ: Խեղճերը ճամբան սովամահ կորնչած  
էին, իսկ զիակաները ձորերը լեցուցած: Երկրորդ իբր և լոյս  
գործածեց զիս, ապրեցնելով անմեղադրելի կեանք մը  
բարիք ընելով ամէնուն և մխիթարելով շատերը: Անանկ

որ այս դժոխային վայրին մէջ «Բանտին հրեշտակը» կը  
կոչէին զիս:

Փառք Տէրոջ որ սե օրերը կարճ կ'ըլլան: Երեք ա-  
միս անցած էր: Աշունը եկած էր: Պատերազմը լմացած  
էր: Ես ալ բարտէն ազատած էի: Օր մը կուսակալը զիս  
տեսնել ուզած էր: Գացի տարակուսանօք: Ներս մտայ  
յարգանքով: Այս անգամ նոյն կուսակալը աւելի  
պատկառանքով և աւելի քաղաքավար կ'երեւար: Երբոր  
զիս տեսաւ, ոտքի ելլելով ըսաւ, «Տղա՛ս, հիմա ամէն  
բան լմացած է: Աստուծոյ և թագաւորին աղօթք ըրէք:  
Առաջուան պէս, գնա՛, եկեղեցիդ բա՛ց, և ամէն բան ա-  
ռաջուան պէս թո՛ղ ըլլայ: Փոլիսը բանալիները պիտի  
տայ: Քաջ եղի՛ր, մի՛ վախնար»:

«Շատ աղէկ, շնորհակալ եմ», ըսելով ելայ, և դացի  
բանալիները առի, եկեղեցին բացի: Բայց շատ քիչ ժո-  
ղովուրդ կուգար, վախնալով թէ ասիկայ պատրանք մ'է,  
և կառավարութիւնը կարելի է եկեղեցի յաճախողները  
պիտի բանտարկէ: Բայց պատերազմը իրականապէս լը-  
մընցած էր, և կառավարութիւնը ալ զօրութիւն չէր գոր-  
ծածէր վնասելու: Տակաւ առ տակաւ ժողովուրդը շատ-  
ցաւ: Թէ կիրակի օրերը և թէ շաբթու մէջ երկու օրեր  
շատ բազմութիւն կուգար Տէրոջը Խօսքը լսելու: Եւ այս-  
պէս Տէրոջը անունը կը փառաբանուէր: Տէրը լսած էր  
աղօթքիս ձայնը: Եւ տուած էր սրտիս փափաքը: Ես ալ  
կը կատարէի խոստումս, որ ըրած էի զինուորութեանս  
պահուն, ըսելով թէ բոլոր կեանքս Տէրոջս պիտի նուիրեմ,  
քարոզելով անոր ձգի նորհքը, և անգին փրկութիւնը:  
Կրնա՞ և ես դպրոց մ'ալ բացած էինք, որ առաջին դպրոցն  
էր Կեսարիոյ մէջ, պատերազմէն վերջ, և 150 ի չափ ա-  
շակերտներ ունէինք: Ձրի կը քարոզէի ժողովուրդին, և  
դպրոցին աշակերտներէն առած զրամով կ'ապրէինք:  
Այսպէս Տէրը հրաշքներով ողջ թողուց, այս գաւազը  
ձեռքը առաւ և գործածեց իր փառքին համար, մխիթա-  
րելով յուսախար և ինկած դատակարգը, և վկայելով կե-  
նայ բանին և փրկութեան վրայով: Լաւ կը հասկնայի թէ  
ինչո՞ւ ողջ մնացած եմ: Գիտէի որ միայն և մի միայն Տէ-

րոջը գործին համար, և Անոր թագաւորութեանը համար Տէրը իմ կեանքս խնայած էր: Եթէ Անոր աւետարանը չը-  
քարոզեմ, և Անոր գորութեանը չը վկայեմ, վայ է ինձի: Ա. Կորն. 9, 16: Գիտէի որ կոչուումս աս է, և Տէրոջը նպա-  
տակը այս է, զիս ողջ պահելուն մէջ: Տունէ տուն կ'եր-  
թայի, նամանաւանդ Միսիոնարներուն վերագառնալէն  
վերջ, Միս Cla. Richmond ին հետ, Սուրբ Գիրքէն կար-  
գալով և աղօթք ընելով կը մխիթարէինք, բոլոր ստաց-  
ուածքը, ընտանիքը, յոյսը, և հաւատքը կորսնցնող այս  
խեղճ Հայու բեկորները: Եւ Տէրը կը վաւերացնէր իր  
վկայութեան իստքը մխիթարելով շատերը, և հոգեւոր  
կենաց խաղաղութեան ուրախութիւնով տոգորելով Իրեն  
հաւատացողները: Փառք Անոր անուան յաւիտեանս յա-  
ւիտենից:

1920, Մայիսին Ամերիկայ եկայ ընտանեօք, և Բա-  
լիֆորնիա հաստատուեցայ: Աստուծոյ առաջնորդութիւնը  
և կամքը որոշ էր ինձի համար: Գիտէի թէ իմ Տէրս և  
Աստուածս զիս իր փրկարար Աւետարանին վկայ մը ընելու  
համար ողջ պահած էր: Հոգւոյս տենջը և կրակը չէ թէ  
պաղած, այլ ալ աւելի արծարծած էր: Ա. յնպիսի կրակ  
մը, որ զիս անհանգիստ կ'ընէր, և շատ անգամ ականջիս  
կը հնչէր, «Ո՛վ Եղիա, դուն հոս ի՞նչ գործ ունիս»: Գի-  
տէի որ կոչուումս Աւետարանն էր: Գիտէի որ միայն աւե-  
տարանչական պատգամը կրնար հազեցնել հոգիս պա-  
պակը: Պատրաստ էի անսայ այդ ձայնին:

6-7 ամիսի չափ Եղեմ, Բալիֆ. ոյ Հայ Երիշտական  
բեմէն Բրիտոսի քաւչարար արիւնը, սիրոյ և փրկու-  
թեան պատգամը քարոզելէն յետոյ Տէրը զիս առաջնոր-  
դեց Փասատինա, Բալիֆորնիա: Ե. Ք. ընկերութեան  
սրահին մէջ տարիի մը չափ Անոր կամքին համեմատ  
վկայեցի Փրկչիս գորութեան, սիրոյն, կեանքին և խո-  
նարհութեան վրայով, առաջնորդելով շատերը հաւատքի,  
հնազանդութեան, և նուիրագործման: Տէրը սկսած էր  
գործել, և Իր եկեղեցին հիմնել ա՛յս նոր դաշտին մէջ իր  
տկար զաւակին միջոցաւ: Ետտեղ կ'օրհնուէին: Տարի մը  
վերջ երբոր ժողովուրդին մեծամասնութիւնը վախաբե-

ցաւ որ ուրիշ քարոզիչ մը շարունակէ նոյն գործը, ևս  
համոզուեցայ որ լինցած է իմ վկայութեանս շրջանը Փա-  
սատինայի մէջ: Անկէ տարի մը վերջ իմ Տէրս զիս առաջ-  
նորդեց ուրիշ նոր դաշտ մը, Սան Ֆրանսիսքօ, Բալիֆ:  
Անոր գորութեանը վստահելով բացի աւետարանչական  
միջոց մը Սան Ֆրանսիսքօյի Ե. Ք. ընկերութեան սրահին  
մէջ: Քարոզութիւնս էր, Աւետարանի հաւատք, Բրիտ-  
տոսի արիւնով փրկութիւն, և ապաշխարութիւն: Տէրը  
չնորհք ըրաւ որ տարի մը շարունակուի այս վկայութիւ-  
նը: Ամերիկեան եկեղեցիներու արդիականութեան թունա-  
ւոր վարդապետութիւնը, (ինչպէս որ շատ մը եկեղեցի-  
ներու մէջ մուտ գտած էր), Հայ շրջանակներու մէջ ալ  
շատ մը միտքերը խանգարած ըլլալով, մարդիկ չէին ու-  
զեր աւետարանին անխարդախ կաթը խմել, և անոր ող-  
ջամիտ վարդապետութիւնը մտիկ ընել, այլ իրենց լսե-  
լիքին եռքովը իրենց ցանկութիւններուն համեմատ վար-  
դապետներ կ'որոնէին իրենց համար: Եւ ըրին ալ՝ ժո-  
ղովուրդին մեծամասնութիւնը զատուեցան, և կազմեցին  
իրենց նոր արդիական եկեղեցի մը: Որոշ էր որ Տէրը  
կ'ուզէր ուրիշ դաշտերու մէջ գործածել Իր զաւակը: Եր-  
կար ժամանակ աղօթելէն և սպասելէն վերջ բացորոշ կեր-  
պով զգացի Տէրոջը առաջնորդութիւնը և ինքզինքս նուի-  
րեցի աւետարանչական գործի, իբր կամաւոր զինուոր  
մը: Դժուարութիւնները շատ էին, թէ ներքին և թէ ար-  
տաքին: Բայց փառք Անոր որ ամէն արգելէները և  
խոչնդոտները վերջնելով կարելի ըրաւ զրկել իր ծառան  
մինչև Զիլատէլիի, Նիւ Եօրք, և Պոսթոն, վկայելու  
իր ձրի շնորհքին, քաւչական արիւնով փրկութեան, կե-  
նարար յարութեան, և փառաւոր Գալստեան:

### ՎԵՐՋԻՆ ԽՕՍՔ ՄԸ

Սիրելի ընթերցող, կ'ուզեմ որ պատմութիւնս չգուցած թոյլ տաս որ հոգիւս ազդող սա մի քանի ներշնչումները վկայեմ և հաղորդեմ քեզի:

(1) Եթէ մինչև այսօր, այս գրքոյկին առաջին էջերուն մէջ բացատրուած ուրախութիւնը չունիս, լաւ գիտցած ըլլաս որ, ատոր պատճառը, ո՛չ Աստուած, ո՛չ պարագաներդ, ո՛չ կազմուածքդ կամ խառնուածքդ է: Այլ ատոր միակ պատճառը, այսինքն ուրախ չի կրնար ըլլալդ, մեղքն է, չ'ապաշխարելդ է: Յիսուս քեզ ալ կրնայ ուրախ ընել և պիտի ընէ: Եթէ միայն Իրեն հաւատաս, հաւատաս թէ՛ Տէրը քեզ ալ փրկած է, քու բոլոր անցեալ մեղքերէդ, կը փրկէ հիմա՛ քու բոլոր մեղսալից կիւքերէդ և ունակութիւններէդ, և պիտի փրկէ յաւիտեանս քու անօրէնութիւններէդ: Միայն հաւատս քե, քեզ ալ կրնայ Իր Սուրբ Հօգիովը լեցնել: Եւ երբ հնազանդիս, հիմա՛ Անոր ձայնին, այսօր դուն ալ կրնաս ուրախ ըլլալ: Եւ ինչո՞ւ չէ, քանի որ այս ցնծութիւնը, ուրախութիւնը քու բաժինդ ալ է: Աճապարէ՛, խնդրէ՛, և վայելէ՛:

(2) Հաւատա՛ թէ «Ամէն բան բարիի գործակից կ'ըլլայ անոնց որ զԱստուած կը սիրեն»: Աստուծոյ նախախնամութիւնը հասկնալ հարկ չէ: Հաւատա՛ թէ Տէրը քեզ կը սիրէ, և շատ տարբեր ձայներով կը կանչէ: Տէրը կ'ուզէ քեզ ալ աւետարանիչ մը ընել, քեզ ալ վկայ մը ընել: Հնազանդէ՛ և յանձնուէ՛: Բարձր գիտութիւն ունենալ հարկ չէ: Տէրը կ'ուզէ որ մենք մեր տեսածին և գիտցածին վկայ ըլլանք: Ա. Յովհ. 1. 1—4: Եթէ գիտենք որ Յիսուս մեր մեղքերը ներած է, եթէ գիտենք որ Անով խաղաղութիւն և կեանք ունինք, այդ կը բաւէ: Գնա՛, և բարձր ձայնով վկայէ, «Մէկ բան գիտեմ, ես կոյր եմ, և հիմա կը տեսնեմ»: Յովհ. 9. 25: Աշխարհիս պէտքը քաղցիչներու չէ, վկաներու է: Աշխարհս գիտութեան և փի-

լիստիայութեան չի կարօտիր, Սեբ կ'ուզէ: Սրբիական քարոզները հոգւոյն պապակին գոհացում չեն տար, խաչեալ Քրիստոսը պէտք է: «Երբոր ես երկրէ վեր բարձրանամ, ամէնն ալ ինծի պիտի քաշեմ»: Յովհ. 12. 32: Չե՞ս ուզեր վկայ մը ըլլալ Յիսուսին: Վկայ մը ըլլալու համար, Անոր սիրոյն, փրկութեան, քաւութեան, և շնորհքին տիրացած ըլլալու ես: Գարոցական ըլլալ հարկ չէ, ոչ ալ Աստուածաբանականի ընթացաւարտ ըլլալ պէտք է: Վրկայ ըլլալու համար միայն տեսնել, գիտնալ և Յիսուսի հետ ապրիլ պէտք է: Աղօթէ որ Տէրը քեզ ալ տայ այդ վկայութիւնը, որ դուն ալ կարենաս ուրիշին տալ:

(3) Հաւատա՛ որ Տէրը երէկ, այսօր, և յաւիտեանս նոյն Աստուածն է: Երբ. 13. 8: Անոր ձեռքը հրաշքներ գործելէն յսկնած չէ: Տէրը մեղմէ հեռացնողը մեր մեղքերն են: Եթէ մենք Տէրովը պատենութիւն տանք, Անիկալ պատրաստ է գործելու, ինչպէս հին օրերու մէջ գործեց իսրայէլին: Սուրբ Գիրքի պատմութիւնները, և անոր մէջը պատմուած հրաշքները առասպելներ չեն, այլ իրականութիւն: Եթէ այսօր Տէրը պատենութիւն գտնէ, եթէ չը կաշկանդենք զԱյն թերահաւատութիւնով, եթէ չը ծաւլենք զՍյն, զինքը փորձելով, և եթէ ինքը վստահ ըլլայ որ միայն իր անունը պիտի փառաւորուի, Տէրը այս ըլլայ որ միայն իր անունը պիտի փառաւորուի, Տէրը այսօր ալ պիտի ցուցնէ իր գորութիւնը, այս օրով պիտի կատարէ իր հրաշքները, որովհետև Անիկայ նոյնն է յաւիտեան: Հրաշքի դարը անցած չէ: Անոր ձեռքերը թուլցած չեն: Փոփոխութիւն կրողը Տէրը չէ, մենք ենք: Եթէ կատարեալ հաւատքով Անոր նուիրուինք, Տէրը պատրաստ է գործելու: «Ձեր հաւատքին պէս թո՛ղ ըլլայ ձեզի»: Մատթ. 9. 29:

(4) Տէրը գթած և բազում ողորմ է: Ու է մեղք մը չը կայ որ աննիրելի ըլլայ: Եթէ Իրեն կը հաւատանք և կը խոստովանինք մեղքերն: Անիկայ կը ներէ: Ա. Յովհ. 2, 1, և 1. 9: Միայն մէկ մեղք կայ որ աննիրելի է. անհաւատութիւնն է, չը հաւատալն է, չապաշխանալ ալ Յիսուս՝ փրկութեան չը հաւատացող մէկունը: Յիսուս՝ փրկութեան չը կրնար շնորհել: Որովհետև փրկութեան փրկութիւն չի կրնար շնորհել: Որովհետև փրկութեան փրկութիւն չի կրնար շնորհել: Որովհետև փրկութեան փրկութիւն չի կրնար շնորհել:

թիւնը՝ հաւատարմով կ'ստանանք: Հաւատարու ենք որ փրկու-  
կուած ենք, և այս կերպով Քրիստոսի փրկութիւնը ըն-  
դունած կ'ըլլանք: Մէկը եթէ չը հաւատար Քրիստոսի այս  
ձրի քառութեանը և շնորհքին, անկարելի է որ փրկուի:  
Մէկը որ կը տեսնէ իր մեղքերը Քրիստոսի գալով, և չու-  
զեր ապաշխարել, և չապաշխարեր, անկարելի է որ  
փրկուի: Ահա այս է աններելի մեղքը, չը հաւատալ, չ'ա-  
պաշխարել, չը հնազանդիլ: Յովհ. 3. 18, 36: Բուն մեղքը՝  
Յիսուսի չը հաւատալն է: Երբ Յիսուս Աստուծոյ զօրու-  
թեամբ դեւերը կը հանէր, Փարիսեցիները չը հաւատացին,  
և ըսին, Բէնդզեբուզով կը հանէ դեւերը: Եւ Յիսուս ը-  
սաւ, քանի որ չէք հաւատար որ Սուրբ Հոգին իմ մէջս  
կը ներգործէ, և անոր միջոցաւ կը հանեմ դեւերը, այս  
ձեր չհաւատալը մեղք մըն է ձեզի: Եւ պիտի չը ներուի  
ձեզի այդ մեղքը: Մատթ. 12. 32: Տէրը ներած է Դա-  
ւիթին, որ խոստովանեցաւ և հաւատաց: Տէրը ներած է  
Պետրոսին, որ ապաշխարեց դառն արցունքով: Տէրը նե-  
րած է Սանատրուկին, որ յօժար եղաւ մեռնելու և գնաց  
խոստովանեցաւ հրապարակաւ կուսակալին և ամէնուն  
առջև: Տէրը ներած է, և կրնայ ներել քեզի ալ: Ո՛վ սիրե-  
լի բարեկամս, ո՛վ խեղճ մեղաւոր և յուսահատած, մի-  
այն հաւատա, միայն թէ խոստովանէ, միայն թէ ա-  
պաշխարէ: Մեղքը՝ պատիկ կամ մեծ, մեղք է: Ամէն մեղք  
պէտք է որ խոստովանուի, և ներում խնդրուի, որ ներ-  
ուի: Տէրը չը ներեց, և չը կրնար ներել Յուդային, ին-  
չու որ չը հաւատաց թէ կրնայ ներել, և չ'ապաշխարեց:  
Այս պատմութիւնները կ'ուզեն քեզ քաջալերել: «Հաւա-  
տա՛ Տէր Յիսուս Քրիստոսի, և դուն ու քու ընտանիքդ  
պիտի փրկուիս»: Մի՛ խորհիր մեղքիդ վրայ: Խորհէ՛ մի-  
այն Յիսուսի մեծ ողորմութեանը, սիրոյն, շնորհքին և քա-  
ռութեանը վրայ: Հաւատա՛ թէ փրկուած ես, և իրակա-  
նութեան մէջ փրկուած ես: Տէրը քեզ օրհնէ և հասկոյնէ  
այս իրականութիւնները: Ամէն:

Տերոջը ծառան  
ՍԱՆԱՏՐՈՒԿ ՇԱՆԼԵԱՆ

Յիսուս կ'ըսէ,  
ԵՍ ԵՄ ԶՇՄԱՐՏՈՒԹԻՒՆԸ  
ՃԱՄԲԱՆ ԵՒ ԿԵԱՆՔԸ  
Յովհ. 14, 6:

Վասն զի  
**ԱՍՏՈՒԱԾ**  
ԱՅՆՊԷՍ ՍԻՐԵՑ ԱՇԽԱՐՀԸ ՄԻՆՉԵՒ  
ԻՐ ՄԻԱԾԻՆ ՈՐԳԻՆ ՏՈՒԱԻ  
ՈՐՊԷՍՁԻ ԱՄԷՆ ՈՎ ՈՐ  
ԸՆՈՐ ՀԵՒՇԵՍԵՅ  
ՉԿՈՐՍՈՒԻ  
ՀԱՊԱ  
ՅԱԻԻՏԵՆԱԿԱՆ ԿԵԱՆՔ ՈՒՆԵՆԱՅ  
Յովհ. 3, 16:

ԱՄԷՆ,  
ԵԿՈՒՐ, ՏԷՐ ՅԻՍՈՒՍ  
Յայտ. 22, 20:

ՀՀ Ազգային գրադարան



NL0754200

